

AWEMainta

E DIFERENCIA DEN NOTICIA

WEB ARUBA TA FIRMA ACUERDO CU SEVEN SEAS WATER GROUP PA CONSTRUI PLANTA SWRO-3



CANDELA DI DIAMARS ATARDI
TA SPERA CU WEB
TIN GARANTIA RIBA
E “POMP NOBO”

BAN TENE LIMPI Y MANTENE
WELCOME PLAZA T’E CARA DI
NOS PAIS ORA CU E TURISTANAN
CRUCERO YEGA ARUBA

ENTRANTE 1 DI MAART 2024
BCA TA MANTENE E TASA
DI RESERVA OBLIGATORIO
NA 22,0 PORCIENTO




WHAT VS WHERE?

Stop Searching!


M-Files
Document Management

- System Neutral, Metadata Driven
- Cloud, On-Premises, or Hybrid
- Automated Workflows and Security
- Seamless Integration with: Microsoft Office, Dropbox, GoogleDrive, DocuSign, AdobeSign

Tel. 583-7072 | info@vcc-int.com | www.vcc-int.com



VCC
International NV



WEB Aruba ta firma acuerdo cu Seven Seas Water Group pa construi planta SWRO-3

DIARANSON dia 17 di april, WEB Aruba y Seven Seas Water Group (SSWG), un proveedor multinacional di 'Water-as-a-Service® (WaaS®) solutions', a firma un acuerdo Build-Own-Operate-Transfer (BOOT) cu un termino di traspaso di 10 año. Seven Seas Water (Aruba) VBA lo construi un planta di SeaWater Reverse Osmosis ("SWRO") cual lo contribui cu un minimo di 16.500 meter cubico di awa potabel pa dia.

E asina yama SWRO-3 lo ta parti di WEB Aruba su plan di termino largo y su Water Road Map pa satisface demanda continuo di awa, manteniendo suministro confiabel. E planta nobo lo reemplaza e actual facilidad temporal di produccion di awa. SSWG a haya e contrato despues di un proceso di tendering y negociacion na 2023. Lo construi e planta SWRO-3 riba tereno existente di WEB y ta planea pa cuminsa opera pa medio 2026.

CEO di WEB Aruba, sr. Alfredo Koolman, a comenta riba importancia di e acuerdo bisando cu e proyecto ta representa un logro importante tanto pa WEB como pa nos isla Aruba. Segun Koolman, *'E lo optimalisa significativamente WEB su capacidad di produccion di awa, sigurando cu nos lo por satisface e demanda pa awa di bebe di calidad halto actual y esun den futuro. Nos ta hopi orguyoso di ta suministra awa di calidad halto na nos comunidad y bishitantenan di nos isla. E planta nobo aki lo mantene y alabes engran-*



dece nos confiabilidad y pagabilidad. Mi kier gradici e team di WEB pa a maneha e proceso di seleccion y pa traha cu SSWG riba desaroyo di e proyecto aki culminando den un acuerdo entre WEB Aruba y Seven Seas Water Group' Asina e CEO di WEB Aruba a bisa.

Henry Charrabé, CEO di Seven Seas Water Group, a expresa su entusiasmo pa colabora cu WEB Aruba, bisando cu nan ta sinti nan mes tremendamente honra di a wordo selecta pa provee awa di bebe fresco y confiabel na WEB Aruba den e proyecto historico aki. *'E proyecto significativo aki ta un di e 'public desalination tenders' mas grandi den Caribe den e ultimo decada.*

Nos ta hopi impresionado pa WEB su vision di termino largo y pa e team su compromiso pa cu calidad, seguridad y confiabilidad. Nos modelo di termino largo Water-as-a-Service® perfectamente ta alinea cu WEB su obhetivonan strategico y nos ta entusiasma pa fortifica nos posicion como un proveedor local solido y confiabel di awa potabel desalina den region.' Asina e CEO di Seven Seas a expresa.

Minister Geoffrey Wever ta anuncia cu e Raad van Commissarissen di Post Aruba N.V. ta completo

NA januari 2024 Minister di Asuntonan Economico, Comunicacion y Desaroyo Sostenibel, mr. Geoffrey Wever, a introduci e constelacion nobo di e Raad van Commissarissen (RvC) di Post Aruba N.V. consistiendo e momento ey di cuater (4) commissarissen.

E Raad van Commissarissen di Post Aruba ta consisti di un maximo di cinco commissarissen y awo e Raad van Commissarissen di Post Aruba N.V. ta completo: desde **1 mei 2024** señor Randall Croes tambe ta forma parti di e Raad van Commissarissen di Post Aruba N.V. Señor Randall Croes ta director di un compania di seguro y tin background den economia y experiencia amplio den sector priva, miembresia den diferente directiva y a traha den pasado tambe

como Hoofd Begrotingscoordinator di Pais Aruba.

E constelacion di e Raad van Commissarissen di Post Aruba N.V. ta consisti di e siguiente profesionalnan: señor Antonio Carlo (President-Commissaris), señor Jacques van der Scheer (Plaatsvervangend voorzitter), señor Edwin Tromp (Commissaris), señor Henk Timmermans (Commissaris) y awor tambe señor Randall Croes (Commissaris).

"Mi ta contento cu e Raad van Commissarissen di Post Aruba N.V. ta completo awor y cu e profesionalnan den area di economia, ley, business, management, banking, finance y accounting lo aporta positivamente na Post Aruba N.V.", Minister Geoffrey Wever a expresa.

Candela di diamars atardi

Ta spera cu WEB tin garantia riba e “pomp nobo”



TABATA momentonan di angustia cu pueblo a sinti diamars atardi, na momento cu a surgi un alarma general pa candela cu a surgi den e compania di procesa awa y coriente, esta WEB Aruba NV.

Hopi a mira un situacion di crisis hopi delicado nan dilanti y esaki den tur sector di comunidad ya cu na momento cu e medionan di comunicacion lansa un noticia di ultimo ora, esaki ta yama hopi atencion.

Den e caso cu a bira conoci cu lo tin un candela grandi den WEB cu diferente unidad di bombero for di varios stacion a dirigi nan mes bou sirena rumbo pa Balashi, ta mas cu claro cu hopi a pensa riba un escenario dramatico, sigur un escenario cu miles di cas lo keda sin coriente pa algun tempo.

Ainda despues di e incidente aki, ta bibando den cierto parti di comunidad, sigur den e sector comercial, cu e posibilidad cu lo tin problema den suministro di coriente, ta posibel.

Sinembargo despues cu gerencia di WEB Aruba NV a bin dilanti y splica kico a pasa y con el a pasa, no a yuda trankilisa comunidad. Al contrario, el a haci hende mas nervioso ya cu e splicacion tabata basa riba un storia cu no ta factibel na cualkier momento.

Den su aclaracion, e compania di awa y electricidad a muestra cu entre otro un pomp nobo cu a wordo cambia algun dia anterior, y hasta ilustrando cu ta trata di “un pomp cu a

bin nobo for di fabrica”, cu den e caso aki ta un compania mundialmente reconoci, esta Wärtsilä Finland Oy.

Pues ta dificil ta un tiki contradictorio e declaracion di gerencia di WEB riba realmente por a pasa, entre otro must-rando cu e candela a surgi ora cu a surgi presion halto den e pomp nobo cu a caba di instala y awo a pidi Wärtsilä pa haci un evaluacion di e daño pa mira kico a pasa.

E contratiempo aki ta hopi serio ya cu e motor cu a cay afo, lo keda pa un periodo di seis luna for di operacion loke ta crea un situacion un tiki delicado pa suministro di coriente durante di e periodo aki.

Pues tur cos tin cu cana perfecto, no por permiti ningun tipo di problema mas te cu luna di october loke ta un situacion cu pa cual caba tin incomodidad den e servicio cu WEB ta dunando.

Aki mas cu claro ta lanta e pregunta si gerencia tin un ‘garantia’ riba e pomp nobo aki cu a faya despues di un periodo asina cortico instala ya cu esaki tambe ta costa un capital sin duda.

E situacion aki tambe ta pone na duda e intencion di Minister di Energia, Glenbert Croes, pa dentro di poco logra reduccion di prijs di awa y coriente cual el a priminti for di 2022 caba.

laguna

Indulge in a diverse selection of salads, pastas, and beloved steaks and chops ensuring a dining experience to cherish.

Daily Live Music



25% off
for
locals

Open daily for
dinner from
5.30 to 10.30pm

ANALISIS

Mocion di desconfianza rechasa of aproba ta un stempel negativo

C'UN votacion di 12 contra y 8 voto na favor, Parlamento di Aruba diamars atardi algo despues di 6'or, a rechasa un 'mocion di desconfianza' contra di Minister Glenbert Croes, pa loke ta su maneho di e proceso di otorgamento di permiso.

Ora cu analisa tur loke a bin dilanti den e reunion aki, por a anticipa e decision final di e reunion caminda e mandatario lo sali ileso di e reunion aki y cu e tin sosten incondicional di un grupo di parlamentario, cu ta sirbi e interes partidario riba e interes di pueblo di Aruba.

Maneho di DIMAS tabata un tutu pa hopi aña caba bou di e gobierno actual, caminda continuamente a surgi situacion di conflicto entre Director Paskel y gobierno, mas tanto Minister encarga cu e departamento, esta Glenbert Croes. Tur hende sa kico a pasa y ta pasando, di un ilegal cu paspoort falso recientemente busca, di nombramento di varios persona sea famia of liga na partido, caminda tabata purba di domina henter e proceso di otorgamento di permiso door di e mandatario.

Tabatin incidente cu hende cu a uza number di Minister Croes na momento cu nan haya nan mes den problema cu personal di Guarda nos Costa y principalmente e tres ocasionnan caminda Minister a dicidi di pone Director Katty Paskel totalmente "buitenspel" loke Corte a bari for di mesa ya cu no tabatin motibo legal pa haci esaki.

Tur 21 Parlamentario tabata na altura cu Minister Glenbert Croes no a respeta e decisionnan di Corte, a sigui crea confrontacion cu Paskel y caminda ultimo a pone e persona aki na un lessenaar c'un telefon pero sin ningun tipo di tarea pa ehecuta.

AWEMainta a yega di muestra na varios ocasion cu tin desa-

royo cu no ta klop den e maneho di Minister pa loke ta asunto di permiso pero ayera mayoria, cu ta e grupo di 12, a sinta papia di e politiconan contrincante y negligha por completo un maneho di Minister Croes cu ta un problema pa basta tempo caba.

Minister Glenbert Croes ta bon na altura di loke a pasa den pasado, caminda mal maneho di su omo Rudy Croes den feliz memoria, riba ordo di gobierno Hulandes, mester a entrega e ministerio di permiso ya cu mescos cu su sobrino ta haciendo na e momentonan aki, no tabatin confiansa den e maneho aki.

No tur dia un mandatario ta wordo confronta c'un mocion di desconfianza pero no a cuestion cu Parlamento a rechasa esaki anto esey ta nifica cu tur cos ta bon, al contrario un mandatario integro lo tuma e tipo di accion aki na pecho y atende e asunto aki di un otro forma cu e manera cu el a bay diamars ultimo.

Cu e 11 miembronan di Parlamento di fraccionnan di MEP y RAIZ, tabata di spera pero cu e Parlamentario independiente Do Nascimento a dicidi di sostene e maneho di e minister, tabata algo comico, den e sentido cu net un di prome el a papia di corrupcion di e sistema hudicial, mientras cu ni 24 ora despues, e mes ta pone un asunto asina serio un banda, den loke ta muestra su insistencia pa wordo considera un miembro nobo di partido MEP.

Ta un echo c'un mocion di desconfianza ta algo cu ta mishi cu credibilidad di un mandatario pero pa loke ta Minister Glenbert Croes, esaki no ta conta ya cu den menos di 24 ora, el a subi avion di KLM ayera tardi pa bay Hulanda pa atende Arubadag.



Atencion: Cambio di Ruta

J.E. Irausquin Boulevard




Entrante dialuna 22 di april 2024 lo cuminsa cu e proyecto di reconstruccion di caminda na High Rise Hotels: Fase 1, cu lo ta e area dilanti Riu Palace Antillas.

E proyecto completo lo wordo haci den 4 diferente Fase y Fase 1 lo tin un duracion di 7 siman.

J.E. Irausquin Boulevard lo ta accesibel solamente pa trahador y turista yega nan destinacion.

Automobilistanan lo mester desvia riba Avenida Nelson Oduber. E desviacion lo ser indica cu borch y baricada di trafico.



DOW y KPA ta pidi pueblo di Aruba, tur automobilista pa tene cuenta cu e desviacion aki y e inconveniencia cu lo por surgi pa cual nos ta pidi nos disculpa y ta gradici pa e comprension y cooperacion.

Ban tene limpi y mantene

Welcome Plaza t'e cara di nos pais ora cu e turistanan crucero yega Aruba

DEN e area di turismo di Aruba, Welcome Plaza ta un luga caminda e turistanan crucero por disfruta di un ambiente amigabel y acogedor na nan yegada na nos isla. Sinembargo, tin algun problema cu ta surgiendo cu mester atende pa mehora e experiencia di e turistanan.

Uno di e problemanan mas evidente ta e limitacion di baño disponibel pa un cantidad grandi di turista. Aki, na Welcome Plaza, solamente tin dos baño disponibel pa miles di turista. E situacion ta critico, specialmente pa e baño di hende homber, caminda e porta ta kibra y ta tumando hopi tempo pa drech'e. Esaki ta resulta den un ambiente di desesperacion y frustracion p'e turistanan cu ta haya nan mes den un fila largo pa uza e baño.

Otro problema ta e mal holo cu ta sali di e baño, y tambe e baki di papel higienico cu ta yena lihe. Aunke cu tin huerdo di e kiosconan cu, a pesar cu e mester cumpli cu su benta di dia, ta tuma e esfuerso pa haci e bañonan limpi y por lo menos purba di mantene, e problema persistente di e limitacion di infraestructura cu ta causando molester p'e turistanan (y sin lubida e huurdonan tambe cu evidentemente tin nan necesidadnan), ta afectando nan experiencia na Aruba.

Fuera di esaki, tin un falta di conscientisacion tocante e gustonan local y e importancia di cuida nos ambiente. Basta biaha, e turistanan ta tira sushi of otro tipo di desperdicio n'e luganan indebido. Esaki ta crea un impacto negativo riba e imagen di nos isla y ta considera como un falta di respet p'e cultura y naturalesa di Aruba.

Pa mehora e situacion, ta esencial pa autoridad local y manehado di



Welcome Plaza tuma accion inmediato. Un accion ta inversion den mas baño y facilidad sanitario adicional pa satisface e demanda grandi di turista. Ademas, ta importante pa educa turistanan tocante nan responsabilidad di cuida nos ambiente y cultura local. Un campaña di conscientisacion y educacion por yuda na crea un cambio di cultura na un manera mas sostenibel.

Concluyendo, pa mantene e status di Aruba como un destino turistico di calidad, ta esencial pa atende e problemanan identifica na Welcome Plaza. Cu un enfoke riba mehora e infraestructura, promocion di conscientisacion ambiental, y educacion di e turistanan, por yega na un solucion integral cu ta beneficioso p'e turistanan mes, e comunidad local, y nos medio ambiente.

Hilton
ARUBA CARIBBEAN
RESORT & CASINO

**We are
Hiring**
Housekeeping Manager

Apply NOW



JC EVENTS

ESTE **27. ABRIL** 2024 **ARUBA** **8:00 PM**

ELDER DAYÁN
Y LUCAS DANGOND
NFUZION | BULERIA
DJ RWIIN | DJ SKY | DJ ANFE

745-7878 **VARADERO ARUBA - MARINA & BOATYARD**

Old Parr 1871 **e.lite** **E** **TRIPLE** **Varadero ARUBA** **POWER** 101.7 FM **FS** **fish house** **Cummins** **Kini Kini** Transfer & Tours

DI TODO UN POCO PA REFLEXIONA

ULTIMAMENTE por nota un aumento den prijs na tur nivel. Loke ta yama atencion te aumento di prijs di fruta y berdura. Ni maske cu a habri frontera maritimo cu Venezuela, prijs di fruta y berdura no a baha mes. Lo contrario, prijs di e productonan aki ta hasta mas caro cu fruta y berdura importa for di Merca. Riba dje, no ta paga Derecho di Importacion (Invoerrecht). Y prijsnan ta sigui subi na Aruba. Banda di dje, prijs di gasolin, cu MEP den campaña a bisa di lo baha.

PAPIANDO di aumento di prijs, loke a aumenta ultimamente y cu lo sigui aumenta, ta prijs di productonan petrolero. Manera prijs di gasolin, siendo cu algun luna pasa Minister Glenbert Croes cu masha fanfaria, a saca foto di un tanquero, bisando cu Aruba a logra haya crudo pisa for di Venezuela na un prijs preferencial, cu sigur lo yuda na baha prijs di awa y coriente. Te awe nada. Promesa, promesa, falso promesa. Tur loke e Gobierno aki a priminti, te awe nan no por a cumpli cu nan.

NOS a tuma nota di un detencion na Venezuela di e ex-Minister di Petroleo, Presidente di PDVSA, Tareck El Assami, amigo di Glenbert Croes, pa su actonan di corrupcion den negoshi di petroleo, sin nunca placa a drenta den

caha di PDVSA. Hunto cu ne, mas funcionario di Gobierno di Nicolas Maduro tambe a keda deteni. E crudo recien cu Aruba a haya tambe ta un deal cu Tareck El Assami?

ULTIMAMENTE por a tende for di e.o. sector hotelero, horeca y tambe di construccion, cu no tin suficiente manpower localmente, como tal mester bay over na importacion di hende di afo. Pero awor por tende di nos Arubianonan local, cu mayoria di e hotelnan cu ta buscando hende, ta ofrece e trahado Arubiano un salario minimo, cu no ta yega. Of ta laga e Arubiano sa cu e ta “Demasiado Califica” p’e trabao, pa por haya oportunidad pa haya permiso pa haya permiso di importa trahado stranhero pa paga pa “cheap labor”. Ta p’esey tambe, hopi estudiante na Hulanda no kier bolbe Aruba y ta prefera di keda Hulanda traha, pasobra na Aruba nan no ta haya pago cu nan merece.

PAPIANDO di sector hotelero, abo lector por menciona cuanto Manager Arubiano tin den posicion den un di nos hotelnan? Añas atras, sigur tin mas cu tin awe. Gobierno, Departamento di Labor mester cuminsa pone condicion, cu banda di un halto ehecutivo (importa), mester tin un Arubiano, pa mañan por tuma dicho posicion. De lo contrario, trabou tin solamente pa waiter, house-keeping, etc., pero nada di un posicion ehecutivo.

ARUBA su unico pilar economico te ainda ta turismo. Pero si o cuid’e, Aruba por perde e pilar aki tambe, p.e. mester mantene Aruba limpi, baha criminalidad, etc. Aworaki Aruba tin un segment grandi di loke por ser cualifica como “wellness travellers”. No t’awor, pero for di basta aña a bin ta bringa cu mester construi un hotel un hotel na San Nicolas, pa yuda economia di San Nicolas y bisindario. A haci mencion cu Seroe Colorado lo por cater e segment aki cu “low impact small boutique resorts”. Pero cu Secrets cu su 600 camber ALL-INCLUSIVE, lo no logra pa cual kier un of mas hotel na San Nicolas. San Nicolas lo haya e asina yama “cheapcake tourists”, kendenan no ta bay beneficia ningun hende. Y un partner in crime di tur esaki ta Aruba Tourism Authority, cu a bende su alma cu diabel pa haya cheap tourism. Y e politiconan cu ta bisa di ta representa San Nicolas, >>



Bin bishita nos y probecha!
Paña di bon calidad na bon prijs.



Adres: Avenida Milio J. Croes 47 local 3
Telefon: 5646733 – 5653466
E-mail: info@carlymar.com

tambe ta complice di tur esaki.

E siman aki, nos a ricibi e tristo noticia cu dr. John Leo a fayece na Hulanda. E tabata un di e directornan di Dr. Horacio E. Oduber Hospital. Pero siendo un yiu di tera, e no a haya e sosten pa keda director di HOH. Dr. Leo a bay specialisa su mes na Merca y a scoge specialisacion di transplante.

Na aña 1988 dr. Leo a asumi e gran responsabilidad di director di HOH. Durante su trayecto como director hospital a conoce hopi cambio, entre otro mas specialista nobo. Specialismonan a expande masha hopi mes y mas di admira ta cu a trece un CT-scan Aruba, di cual prome cu esey pashentnan mester a bula bay Corsou of Venezuela pa haci e test aki. Tambe loke ta echografia a conoce un desaroyo enorme.

Un cambio hopi bunita cu dr. Leo tambe a haci ta riba e parti di facilidad y calidad den informacion y tambe comodidad di e pashentnan. El a percura pa tin un bali di informacion. Pa nos dr. John Leo tabata un visionario pa cu cuido medico, pero manera menciona, e no a haya sosten desea pa sigui traha pa un miho calidad di cuido medico na Aruba. Paz na su alma y condolencia na tur esnan cu a conoce e gran medico Arubiano aki.

WRAAK-KAMER di Corte a bari for di mesa e peticion di Gobierno (abogado Emerencia) pa wraak un Hues den e caso di FPNA vs Gobierno, relaciona cu e caso di Isla di Oro. E Hues involvi no ta di confia, segun Gobierno, pasobra e lo a haci e comentario, cu Gobierno aki no ta cumpli cu veredictonan den su contra. Lo mester pone un dwangsom riba Gobierno anto?

NOS ta drelando luna di mei, casi mita aña di 2024 y te ainda no por nombra ainda un Mediador di Gobierno. E candidato (unico) cu tin, aparentemente no ta gosa di confianza di Gobierno aki.

ARUBA su Cuerpo di Bombero ta sin un comandante, siendo cu tin 4 persona califica na cas. Si no haci lihe cu un decision, ICAO por baha Aruba di categoria den aviacion. Gobierno aki no ta serio, pero mas bien kier persigui tur hende cu no ta di mesun opinion cu nan. E 4 personanan aki cu a ser manda cas, a base di acusacionnan falso, ya cu Ministerio Publico mes a conclui cu no tin nada ilegal y penal contra nan, pero asina mes a retira tur 4 for di trabao, Gobierno mester persigui esun(nan) cu a haci un denuncia falso.

DI acuerdo cu relato financiero di AZV di 2023, e Organo Ehecutivo di Seguro Medico General a haci un surplus di como 50 milyon florin. Dia cu a lanta AZV, ningun dia a bisa cu e organo aki ta pa haci ganashi, pero pa tur hende por haya nan remedinan y cuido medico manera debe ser. Awendia hopi t'esnan cu no por paga remedi mas, poblacion di Aruba ta birando mas pover y riba dje mester paga pa nan remedi. AZ no ta un banco, pues reinstitui e kitamento di pago aki, cu ta afecta nos grandinan. Por favor, no sigui castiga pueblo di e forma aki.



April 19 – 22

40% OFF*

PAINTS & STAINS

Plus 30% off Supplies

Sale prices starting at **f52.72**



Your neighborhood Sherwin-Williams store is right around the corner.

SAVANETA 326C	L.G SMITH BLVD 120
+297 584 7272	+297 5882211
BOEGOEROEI	
+297 5877788	

*Valid on retail sales of retail products only. Discount taken off of our list price. Sale pricing or other offers that result in greater savings will supersede this offer. Offer excludes previous purchases, gift cards, Peel & Stick Paint Samples, Multi-Purpose primers, Sketch Pad® Dry Erase Coating, ladders, spray equipment and accessories. Other exclusions may apply, see store for details. Valid at US/Caribbean/Puerto Rico Sherwin-Williams retail paint stores only. Offer valid 4/19/2024- 4/22/2024.

Entrante 1 di maart 2024

BCA ta mantene e tasa di reserva obligatorio na 22,0 porciento


CONFORME e tarea di e Comité di Maneho Monetario (CMM) pa evalua, determina y duna transparencia riba e accionnan di maneho monetario di Banco Central di Aruba (BCA), BCA ta comunica lo siguiente. Durante e reunion di 26 di februari 2024, CMM a dicidi pa mantene e tasa di e reserva obligatorio na 22,0 porciento entrante 1 di maart 2024. Di e manera aki, e banconan comercial mester tene un balansa minimo na BCA cu ta igual na 22,0 porciento di e depositonan riba termino cortico di nan clientenan. E decision pa mantene e tasa di reserva obligatorio ta basa primordialmente riba e reservanan oficial cu ta relativamente cerca di e limite minimo di e ARA, a pesar cu tanto e reservanan oficial como e reservanan internacional a keda adecua y ta premira pa permanece asina durante 2024. Adicionalmente, likides excesivo di e sector bancario ta muestra un tendencia ascendente durante e ultimo lunanan. Finalmente ta considera prudente di mantene e reserva obligatorio na su nivel actual, mirando crecimiento continuo di credito y su efecto potencial riba reservanan internacional. BCA ta sigui monitoreo e desaroyo den e reservanan y likides excesivo y lo por dicidi di cambia e tasa di reserva obligatorio, si ta considera esaki necesario.

E CMM a considera e siguiente informacion y analisis den su deliberacion.

Reservanan internacional y oficial

E reservanan internacional, cu ta consisti di reservanan oficial di BCA y reservanan di divisa na e banconan comercial, a subi cu Afl. 83,8 miyon te cu 9 di februari 2024, compara cu december 29, 2023 (Grafico 1). E reservanan oficial a expande cu Afl. 132,0 miyon, mientras cu e reservanan na banconan comercial a baha cu Afl. 48,2 miyon. Consecuentemente, te cu 9 di februari 2024, e reservanan oficial y internacional a suma Afl. 2.777,7 miyon y Afl. 3.145,8 miyon, respectivamente.

Sostene un nivel adecua di reservanan ta esencial pa mantene e tasa di cambio fiho entre e florin Arubano y e dollar Mericano. Teniendo cuenta cu esaki, reservanan internacional a keda ampliamente riba e rekisito di tres luna di pago riba e cuenta corriente di e balansa di pago te cu 9 di februari 2024. E pagonan riba e cuenta corriente di e balansa di pago ta consisti, entre otro, di pagonan pa importacion, pagonan di interes na inversionistanan stranhero y transferencianan pa exterior manera placa manda afo door di trahadonan stranhero. Reservanan oficial tambe a keda dentro di e margen aceptabel basa riba e metrico 'Assessing Reserve Adequacy' (ARA) di e Fondo Monetario Internacional (FMI) (Tabel 1).



Tabel 1: Metriconan rela na reservanan observa durante e ultimo 12 luna											
	2023										
	Feb	Mar	Apr	May	Jun	Jul	Aug	Sep	Oct	Nov	Dec
Cobertura estima di pagonan riba cuenta corriente ¹	7,0	6,8	6,9	6,8	6,7	6,9	6,8	6,2	6,2	6,3	6,3
Metrico estima di FMI ARA ²	105,3	109,6	114,9	113,5	111,8	113,4	113,7	105,9	105,5	102,2	103,4


¹ E cantidad di luna di pagonan riba cuenta corriente cu e reservanan internacional ta cubri.
² E proporcion entre e nivel di reservanan oficial y e nivel minimo adecua (conforme FMI), den porciento.

Inflacion

Inflacion, midi na final di luna contra e mesun luna di e aña anterior, a yega 2,3 porciento na december 2023 (Grafico 2). E contribuyentenan principal na e inflacion, midi na final di luna contra e mesun luna di e aña anterior, na december 2023, tabata 'comunicacion' (contribuyendo cu 1,6 punto di porcentahe), 'diferente producto y servicio' (contribuyendo cu 0,4 punto di porcentahe), y 'vivienda' (contribuyendo cu 0,4 punto di porcentahe). Di otro banda, e componente 'transporte' (contribuyendo cu -1,0 punto di porcentahe) a mitiga e inflacion den december 2023.


E inflacion midi riba promedio di 12 luna a baha pa 3,1 porciento na december 2023; un caida compara cu 3,7 porciento na november 2023. E presion inflacionario tabata mas tanto debi na e subida den e tarifa di awa y coriente desde augustus 2022 y e aumento den prijs di cuminda y bebida no alcohólico. Ademas, Aruba a importa un gran parti di e crecimiento den prijs for di su partnernan comercial, particularmente Estados Unidos y Europa.

Mientrastanto, na december 2023, inflacion basico (cu ta exclui cuminda y energia) a alcanza 3,1 porciento si midi e final di respectivo luna contra e mesun luna di e aña anterior (november 2023: 2,6 porciento). Basa riba un promedio di e ultimo 12 lunanan, inflacion basico a yega na 2,1 porciento (november 2023: 1,9 porciento).



Likides excesivo di e banconan comercial

Likides excesivo di e banconan comercial (incluyendo credito cu no a wordo aloca ainda y otro compromisonan) tabata Afl. 519,4 miyon na december 2023, esta, Afl. 78,7 miyon mas compara cu november 2023 (Grafico 3). Ora cu compara cu fin di december 2022, likides excesivo ta refleha un contraccion di Afl. 300,4 miyon. E caida aki tabata principalmente debi na refinanciamiento di fianstanan internacional riba mercado local y compra di bono di gobierno pa inversionistanan institucional.



Departamento di Enseñansa Aruba cu di 4 encuentro di Alfabetisacion na Papiamento



ENTRANTE augustus 2024 e alumno di klas 1 lo siña lesa y skirbi na Papiamento. A organisa un trayecto di preparacion pa asina ekipa e cabe-sante y e maestro di klas 1 di scolnan basico (basisschool) cu e hermentnan necesario pa por implementa e parti aki di e maneho nobo di idioma den scol.

E trayecto di preparacion a cuminsa dia 17 november 2023 y lo sigui te cu 31 mei 2024. Den e trayecto di preparacion aki ta organisa comunidad di siñamento profesional. E maestronan ta forma parti di e comunidadnan aki den cua ta crea espacio pa conecta cu otro, intercambia ideanan, construi material y comparti conocimiento cu otro.

Parti di e preparacion ta encera analisis, revision y reproduccion di diferente material y e ampliacion di material digital. Ademas e trayecto di preparacion ta brinda e cabe-sante y maestronan di klas 1 e oportunidad pa profesionalisacion. Dentro di poco lo cuminsa cu e trayecto dirigi riba maestronan di klas 2 y otro actornan di cuido p.e. IB'ers.

E dianan di estudio ta tuma luga den consulta cu directivanan di scol y bou guia di Departamento di Enseñansa Aruba (DEA) conhuntamente cu Centro di Desaroyo Profesional Continuo (CDPC) di Instituto Pedagogico Arubano (IPA).

Recientemente cabesantenan di scol basico y maestronan di klas 1 a participa na e di cuater dia di estudio cu ta forma parti di e trayecto di preparacion pa e implementacion di e maneho di idioma nobo. E ambiente tabata placentero na unda por a tuma nota di e entusiasmo, animo y dinamismo bou e cabesantenan y e maestronan

di klas 1. Algun grupo a desaroya material audiovisual, otro a dirigi nan mes riba material visual y otro a traha riba un plan di implementacion segun e necesidad di nan scol. Minister di Enseñansa sr. Endy Croes tambe tabata presente y a comparti algun palabra di elogio.

Di parti di DEA y CDPC ta gradici tur maestro y cabe-sante cu tabata presente pa nan tremendo participacion.

Pa mas informacion relaciona cu Enseñansa na Aruba por acudi na nos website www.ea.aw.

Tambe por sigui nos den social media via nos facebook y instagram pages @educationaruba pa keda na altura di tur informacion.

VACATURES Land Aruba



- Psycholoog (Bureau MDC)
- Werktuigkundige Cutter (Kustwacht)
- Hoofdwerktuigkundige Cutter (Kustwacht)
- Programmaspecialist Cultuur (Unesco-commissie)
- Vlieginspecteur (DLA)
- Chef financiële administratie (DAD)
- Aspirant PIW'er of Aspirant beveiliging (DGWA)
- Inspecteur Luchtruim en Luchtvaartterreinen (DLA)
- Directeur (DGWA)
- Medewerker Informatisering en automatisering (GdS)
- Accountant (CAD)
- Controleleider (CAD)

Aplica
awe!

Sea parti di
e desaroyo
di bo isla

Kijk voor meer informatie op onze website:
hrportaal.drh.gov.aw/vacatures

Personal di WEB mes a atende cu e situacion

Fayo di pomp di combustibel di presion halto a causa candela na WEB diamars atardi

DIAMARS 16 di April 2024 a surgi un candela den motor RECIP #7 den planta di energia di WEB. No tabatin herido y e situacion di produccion di coriente pa awo ta bou di control, pero ainda delicado. E candela a wordo causa pa un fayo di un pomp di combustibel di presion halto na un cilindro di e motor, cual a causa lek di combustibel.

WEB su personal di warda y di mantencion a detecta e candela y mesora a bati alarma. WET, e team di emergencia di WEB a acudi inmediatamente pa e prome asistencia. Na mes momento a yama Brandweer cu a yega na e sitio den no time.

E candela lo tabata dificil pa preveni, door cu tabata un fayo repentino di e pomp di combustibel di presion halto cu a wordo cambia algun dia atras pa un pomp cu a bin nobo di fabrica. A pidi un team di fabricante Wärtsilä pa haci un evaluacion di e daño y pa traha riba un recovery plan. Motor RECIP #7 pa awo ta for di servicio y ta calcula cu lo tuma mas o menos 6 luna pa e ta bek den operacion.

E suministro di coriente actual ta delicado caba door di e aumento enorme di demanda pa coriente cual a subi considerablemente e ultimo aña.

Ademas nos ta drentando temporada di calor y e periodo di piek di uzo di coriente; Esaki ta haci cu e situacion por bira critico. E team di WEB Aruba ta haci su maximo esfuerso pa maneha e produccion y suministro di coriente mas miho posibel, pa asina por satisfice e demanda di comunidad pa coriente.

Gerencia di WEB ta manda un palabra grandi di gradicimento pa tur empleado cu a haci nan maximo esfuerso pa maneha e candela asina rapido. Tambe un palabra di danki ta bay pa Brandweer Aruba.



Minister Geoffrey Wever: Preparando pa instala mas iluminacion pa mehora visibilidad y siguridad den centro di Oranjestad

DESPUES di e instalacion inicial di 50 luz aña pasa, ta intensifica e esfuerzo pa mehora e visibilidad y siguridad den nos centro di ciudad cu instalacion di 100 palo di luz adicional nobo den nos centro di ciudad. E proyecto aki ta parti di e strategia holistico di revitalisacion di Oranjestad pa crea un ambiente mas sigur y atractivo pa tur su habitantenan, bishitantenan y empresarionan.

Minister Geoffrey Wever ta consciente di e complehidad di e retonan den nos centro di Oranjestad. Ta trahando pa crea e condicionnan necesario pa soluciona esakinan y asina por atrae mas inversion y bida atrobe den Oranjestad. E inversion aki ta enfoca especificamente riba aumenta e seguridad durante oranan di anochi, pa stimula e desaroyo di entretenimento y bida nocturno den centro di ciudad.

“Nos ta kere cu Oranjestad por t’e proximo luga unda tur hende ta desea di frecuente y pa logra esaki ta necesario pa inverti den e infraestructura, e ambiente y e oportunidadnan pa entretenimento



tambe. Nos ta trahando riba crea espacionan vibrante, cu mas bida y actividad, cu ta yama tanto localnan como turistanan pa disfruta di loke Oranjestad tin pa ofrece” segun Minister Geoffrey Wever.

E luznan ta planifica pa ser instala na fin di e segundo kwartaal di e aña aki y ta representa un compromiso serio pa mehora e calidad di bida den Oranjestad. Minister Wever ta determina pa sigui padilanti den su mision di transforma e ciudad den un luga vibrante y prospero pa tur su habitantenan. E esfuerzo pa intensifica e siguridad ta un inversion di parti di ministerio di asuntonan economico den e futuro di Oranjestad, un compromiso cu ta demostra minister Wever su vision y empeño pa un ciudad mas sigur p’asina e por prospera.





PASEO HERENCIA

COMFORT, FOOD AND COCKTAILS



FOR SHOWTIMES AND ONLINE TICKETING:
WWW.CARIBBEANCINEMAS.COM

 **787-999-3292**

 **@caribbeancinemasaruba**

 **Caribbean Cinemas Aruba**

DOWNLOAD OUR APP



GET IT ON
Google Play



Download on the
App Store

Minister Maduro di Finansa ta reuni cu diferente banco internacional durante e IMF Spring Meetings



DEN e siman aki cu Minister Maduro di Finansa ta atende e IMF Spring Meetings na Washington DC, e mandatario ta probecha pa reuni cu diferente banco pa por haci e preparacionnan necesario pa Aruba por subi mercado internacional pa por cubri e necesidad financiero di Aruba.

Minister Maduro a reuni cu, entre otro, JP Morgan, Standard Charter, Citi Group y Santander pa asina por splica mas di e desaroyonan cu ta tumando luga na Aruba pa yega na e estabilidad financiero cu ta brinda e confiansa na inversionista.

E aña aki Aruba lo bay subi e mercado di capital internacional despues di e pandemia y lo haci esaki pa un suma di 160 miyon dollar. Esaki ta un suma cu ta wordo refinancia di e debenan internacional existente cu ta madura. Como ta refinancia, esaki no lo crece e debe di Pais Aruba.

Mester accentua cu inversionistanan tin confiansa den Aruba y esaki nan por a mira durante e pandemia, na unda cu inversionistanan a keda tene Aruba su bononan a pesar di e situacion precario di Aruba su finansa y economia na e momento eyan. Tur e banconan ta indica di ta hopi satisfecho pa mira e manera Aruba a atende cu e pandemia y awo ta recuperando grandemente. Despues di hopi tempo Aruba, awo ta conoce surplus en bes di deficit y esaki ta trece cu ne otro oportunidadnan financiero pa Aruba.



No tabatin herido

Accidente fuerte entre auto di transporte di placa y truck septico na Savaneta

UN accidente fuerte a sosode diamars atardi riba e caminda principal di Savaneta, net despues di La Granja, cu un vehiculo pa transporte di placa y un truck septico involvi, loke a conduci na mobilisacion di unidad policial na e sitio.

Na yegada di e prome patruya di San Nicolas y patruya motorisa, nan a topa cu un truck septico y un auto di un empresa local di transporte di placa. Segun loke a por comprende, e auto a desvia pa banda contrario y a bay dal contra e truck septico, pero afortunadamente ningun hende no a resulta herida.

Daño tabata considerabel. Polis di trafico y roadservice tabat'ey presente p'asina haci e investigacionnan necesario, p'asina traha nan rapport.



SIGN UP NOW

VIA STIMAMI STERILISAMI'S WEBSITE &
SAVE UP TO 45% OFF YOUR PET'S
STERILIZATION COSTS PLUS GET A FREE
MICROCHIP!

45%
OFF



FREE
MICROCHIP

Oficina meteorologico ta desmenti desinformacion di plantacion di nubia den medio di awasero fuerte



DEN medio di awasero fuerte na Emiratonan Arabe Uni, e Centro Nacional di Meteorologia (NCM) a splica cu no a realiza operacionnan di plantamento di nubia durante e periodo di clima inestable. Dr. Habib Ahmed, un meteorologo senior di NCM, a enfatisa cu no mester kere den e informacion robes cu ta sugeri lo contrario.

Segun Dr. Ahmed, NCM a monitor e situacion climatico den e region, particularmente den Arabia Saudita y Oman. E centro a emiti alerta desde 11 di april, avisando di condicionnan climatico instabil, incluyendo awasero fuerte, tormenta di polvo, tormenta di luz y granizo den henter e pais.

E perturbacion climatico a surgi den sistemanan profundo di presion abao den e zuidoost y Oman, combina cu aire humedo di e mar Arabe cu tabata move pa Emiratonan Arabe Uni y Oman. E convergencia aki a resulta den awasero fuerte y tormentanan electrico, impulsá pa biento extremadamente fuerte y coriente descendiente.

Analisis di NCM a indica cu nubia cu awasero for di regionnan occidental di e pais lo a plama pa Emiratonan Arabe Uni, treciendo precipitacionnan di intensidad varia. E clima

instabil a persisti pa varios dia, cu dos ola significativo di nubia cargando cu humedad moviendo riba Emiratonan Arabe Uni, provocando awasero fuerte y tormentanan electrico.

Den futuro, e experto meteorologico a afirma cu ta spera cu e clima lo stabilisa den e proximo dianan, cu posibilidad di condicionnan nubla rond di Al Ain. Sinembargo, ta previsto cu e situacion general di clima lo mehora, aliviando e periodo di awasero fuerte cu a pasa recientemente.

Dr. Ahmed a urgi e publico pa evita di cay den noticia falso y desinformacion, enfatisando e importancia di confia den fuentenan creibel pa actualisacion y informacion meteorologico.

NCM ta keda alerta pa monitor e patronchinan di clima y emiti alerta oportuno pa garantisa seguridad publico y preparacion pa e cambionan den condicionnan climatico.

Mientras cu Emiratonan Arabe Uni ta pasando den e secuela di e awa fuerte, e clarificacion di NCM ta sirbi como un record di e importancia di informacion corecto y preparacion pa enfrenta fenomenonan natural.

**Mirrors Beauty Academy ta ofrece e siguiente servicionan**

Laba
Corta
Blowdry
Keratina
Cold Wax

Tinja
Highlights / Mechitas
Ombre / Californiana
Bayalage
Peinado

Makeup
Threading
Barberia
Manicure
Pedicure

Y
mucho
mas!

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

Tesla ta busca ratificacion di accionistanan pa cu compensacion di Elon Musk



E fabricante di auto electrico Tesla ta experienciando momentonan crucial, na unda ta pidi e accionistanan pa ratifica e pakete di compensacion di CEO Elon Musk, delinea inicialmente na 2018. E peticion aki ta bin inmediatamente despues di un incidente den corte di Delaware, unda un hues a rechasa e pakete, loke a causa un disputa legal.

E pakete di compensacion, presenta pa prome biaha na 2018, a ser diseña pa stimula Musk pa alcanza metanan ambicioso. E tabata consisti di un cantidad di opcion riba accionnan relaciona cu e balor di mercado di Tesla y e mehoracion operacional. N'e momento ey, e tabata aclamá como un di e paketenan di compensacion pa CEO mas generoso den historia corporativo, reflehando e papel integral di Musk den e crecimiento y innovacion di Tesla.

Sinembargo, e pakete a enfrenta un scrutinio legal, cu a culmina den un perdida significativo ora un hues di Delaware a invalida e pakete. E sentencia a trece duda riba e legalidad y equidad di e estructura di compensacion, cu a conduci Tesla pa busca aprobacion di e accionistanan pa ratifica e pakete controversial.

E momento di votacion di e accionistanan ta bira funda-

mental, ya cu e ta enfatisa e tensionnan mas amplio entre e liderazgo di Tesla, su hunta di directiva y e sistema legal. Musk su compensacion ta un punto di discusion pa hopi tempo caba, y criticonan ta argumenta cu esaki ta recompensa e CEO demasiado sin pone suficiente responsabilidad.

A pesar di e retonan legal, Tesla ta para firme den su sosten p'e pakete di compensacion di Musk, destacando su liderazgo transformador y vision p'e compania. Defensoran ta argumenta cu e incentivanan di Musk ta alinia cu e exito di largo plaso di Tesla, impulsando innovacion y balor p'e accionistanan.

E resultado di e votacion di e accionistanan no solamente lo determina e destino di e compensacion di Musk, pero tambe lo indica e confiansa di e inversionistanan den e liderazgo y e practicanan di maneho corporativo di Tesla. Un rechazo por desencadena mas bataya legal y pone duda riba e estabilidad y direccion strategico di e compania.

Mientras Tesla ta enfrenta retonan legal y regulador, tur wowo ta poni riba su accionistanan pa dicide e destino di e pakete controversial di compensacion di Elon Musk y delinea e rumbo di futuro di e gigante di auto electrico.

Pa motibo di e 'grounding' di Boeing 737 Max 9

United Airlines ta raporta perdida di \$200 milyon



UNITED Airlines a anuncia un perdida di \$200 milyon den e prome kwartaal di aña, atribui n'e 'grounding' di su flota Boeing 737 Max 9 despues di un incidente cu un tap di porta riba un vuelo di Alaska Airlines. E 'grounding', cu a dura tres siman, a ser inicia p'e Administracion Federal di Aviacion (FAA) y a genera preocupacionnan tocante siguridad di e avionnan Boeing.

Cu 86 avion Max 9 den su flota, United Airlines, cu ta depende grandemente riba avionnan Boeing, a hiba e perdida di mas pisa a consecuencia di e grounding. E compania a declara cu e lo tabata rendabel den ausencia di e gastonan di pone e avionnan na tera. Ademá, e aerolinea a revela cu e no ta anticipa di ricibi reembolso di Boeing p'e gastonan tampoco.

Como reaccion riba e problemanan di calidad continuo di Boeing, United Airlines awor ta spera di ricibi menos avion di Boeing e aña aki, cu un reduccion di 40 avion for di nan proyeccionnan inicial. Consecuentemente, e aerolinea a congela e contratacion di piloto y ta solicita retiro boluntario sin pago di su pilotonan pa motibo di e reduccion di operacionnan di vuelo.

Ademá, United Airlines a revela cu e no ta anticipa entrega

di Boeing 737 Max 10 e aña aki, y cu e certificacion probablemente lo keda atrasa te por lo menos 2025. Como resultado, e aerolinea a converti algun pedido Max 10 n'e modelo Max 9 pa entrega entre 2025 y 2027.


Den un distanciamento significativo for di Boeing, United Airlines a yega na acuerdo cu dos otro compania pa lease 35 Airbus A321neos nobo, un competido directo di e 737 Max. E entrega di e avionnan airbus aki ta programa pa 2026 y 2027.

A pesar di e retraso financiero, United Airlines a raporta un perdida ahusta di \$50 milyon p'e kwartaal, un mehoracion compara cu e aña anterior. E aerolinea a experencia un aumento di casi 10% den entrada, impulsá principalmente pa un distancia mas largo pa pasahero, a pesar di e suspension di e flota Max 9. E tarifanan tambe a subi modestamente cu alrededor di 1%.

E retonan di United Airlines ta enfatisa e impacto mas amplio di e problemanan di calidad di Boeing riba aerolinanan y ta enfatisa e importancia di siguridad y confiabilidad den e industria di aviacion.

Mientras Venezuela ta lucha cu agitacion politico

Administracion di Biden ta enfrenta un dilema



MIENTRAS Venezuela ta lucha cu agitacion politico y un colapso economico, e administracion di Biden ta den un dilema pa cu su maneho encuanto sancion. E promesanan incumpli di presidente Nicolás Maduro tocante eleccionnan liber y husto a laga e comunidad internacional skeptico di su intencionnan.

A pesar di e incentivo inicial pa kita algun sancion Mericano a cambio di reforma electoral, e regimen di Maduro ta sigui reprimi e bosnan di oposicion, provocando e condena di nacionnan democratico.

E menasa inminente di reanudacion di e sancionnan p'e industria petrolero y gasifero di Venezuela ta presenta un dilema compleho p'e administracion Biden. Aunke e sancionnan aki inicialmente tabata tin como meta pa presiona Maduro pa renuncia na poder, nan tabata tin consecuencianan devastador p'e pueblo Venezolano, amplificando e dificultadnan economico y provocando un exodo masivo di refugiado. Ademas, nan a tensiona e relacionnan diplomatico y inadvertidamente a fortalece e relacionnan di Venezuela cu Rusia y China.

E esfuersonan di e administracion di Biden pa balansa presion economico cu compromiso diplomatico ta pone enfasis riba e retonan di uza sancionnan como un herramienta pa cambio di regimen. A pesar di e excepcionnan limita pa cierto empresanan, e sancionnan central ta keda na vigor, reflehando e balansa delicado di mantene e presion y evita e apariencia di capitulacion dilanti Maduro.

Den futuro, Merca mester traha den colaboracion estrecho cu bisiñanan democratico di Venezuela, manera Brasil y Colombia, pa amplifica condena internacional di e tacticanan autoritario di Maduro.

Aunke ta spera cu e proximo eleccion lo ta defectuoso, ainda nan ta presenta un oportunidad p'e oposicion demostra descontento popular cu e regimen di Maduro. E berdadero speranza di cambio ta den e resiliencia y determinacion di e pueblo Venezolano, enbes di depende solamente riba sancionnan.

Pa eleccionnan futuro, particularmente pa legisladonan nacional, gobernadornan y mayornan, tin optimismo cu cambio por wordo logra por medio democratico. Sinembargo, e lo rekeri sosten internacional continuo y solidaridad cu e pueblo Venezolano den nan buskeda di libertad y democracia.




We Are HIRING

Join Our Award-Winning Team

#1 TOP HOTEL IN THE CARIBBEAN
#18 TOP HOTELS IN THE WORLD ON TRIPADVISOR
THE FIRST CARBON NEUTRAL RESORT IN THE CARIBBEAN

OPEN POSITIONS

- ✓ **IT SPECIALIST**
- ✓ **HOST/HOSTESS (AM/PM)**
- ✓ **BEACH ATTENDANT**
- ✓ **HOUSEMAN**
- ✓ **ROOM ATTENDANT**
- ✓ **DOORMEN / DOOR LADY PART TIME**

BENEFITS

ATTRACTIVE SALARIES WITH BONUS OPPORTUNITIES
5-DAY WORKWEEK (40-HOURS A WEEK)
WITH UP TO 27 VACATION DAYS BASED ON YEARS OF SERVICE
GYM MEMBERSHIP WITH BODYZONE AND CUTS & CURVES
+ LIFE AND HEALTH INSURANCES
SAVINGS & LOAN PROGRAM, EMPLOYEE DISCOUNTS

APPLY ONLINE AT: WWW.BUCUTI.COM/CAREERS



SALUD. BEYESA

+ *Y Bienestar Personal* +

Perspectiva generacional riba beyesa masculino y cuido propio



DEN e panorama di bunitesa masculino y cuido propio cu ta den desaroyo continuo, e perspectivanan generacional ta sirbi como marcado intrigante di cambio social y evolucion cultural. For di e idealnan tradicional te na expresion moderno, cada generacion ta trece nan punto di bista unico na mesa, dunando forma na con hende homber ta percibi y ta envolvi cu nan aparencia y custumber di higiena.

Durante varios generacion, e norma y e tradicionnan cultural a influencia e percepcionnan di bunitesa masculino. E generacionnan mas grandi ta defende e idealnan tradicional di masculinidad, enfatisando forza y stoicismo riba preocupacion estetico. Sinembargo, segun cu nos sociedad ta progresa, e generacionnan mas hoben ta desafia e normanan aki, adoptando un espectro mas amplio di e standardnan di bunitesa y expresion propio.

E medionan di comunicacion ta hunga un papel fundamental den e configuracion di e percepcion di bunitesa masculino. E generacionnan anterior tabata exponi na representacion limita, hopi biaha idealisando e fisiconan muscuroso y rasonan robusto. Den contraste, millennials y Generacion Z ta beneficia di diferente plataforma di e medionan di comunicacion, celebrando inclusion y autenticidad den bunitesa masculino.

Cu e normanan di genero cambiando, e hombernan di awe ta sinti nan empodera pa desafia e expectativanan tradicional y explora nan individualidad. Mientras generacion mas grandi

por a adhiri estrictamente n'e rolnan di genero, e grupo mas hoben ta priorisa autoexpresion y bienestar holistico, difuminando e liñanan entre masculinidad y feminidad.

E crecemento den tendencia di salud y bienestar propio a revoluciona e custumbernan di higiena masculino durante e generacionnan. Mientras cu e hombernan mas grandi por a negligia di realisa e conexion entre cuido personal y bienestar general, e generacionnan mas hoben ta reconoce e importancia di bienestar holistico, integrando e rutinanan di cuido di cuero y practica di higiena den nan ritualnan diario.

Avance den tecnologia a democratiza bunitesa y higiena personal, ofreciendo homber di tur edad acceso na herment y recurso inovativo. Mientras e generacionnan mas jong ta adopta innovacion digital cu facilidad, cohortnan mas bieu por duda inicialmente, pero eventualmente ta adopta tecnologia moderno di higiena personal mientras nan ta bira mas convencional.

Mientras nos ta busca un balansa den e panorama diverso di bunitesa masculino y autocuido, cera e gap entre e perspectivanan generacional ta bira esencial. Celebrando e rikesa di experiencia y brasando inclusion, nos por fomenta un cultura cu ta empodera hende di tur edad pa defini bunitesa den nan propio termino. For di tradicionalista te cu e creadornan di tendencia, cada generacion ta contribui na e tapiz vibrante di identidad masculino, recordando nos cu bunitesa no tin limite.

Compronde Empatia:

Crucial den relacionnan humano y interaccion social



EMPATIA, e capacidad pa compronde y comparti sentimento di otro hende, ta un aspecto fundamental den interaccion humano. E ta facilita conexion, compasion y sosten, enrikeciendo relacionnan y fomentando comprension. Sinembargo, empatia no ta uniforme y por varia hopi entre individuonan pa motibo di factornan genetico, ambiental y di salud mental.

Empatia ta consisti di varios componente, cada un di nan ta contribui na su complehidad:

Empatia cognitivo ta encera compronde e perspectiva, pensamentonan y emocionnan di un otro persona door di pone bo mes mentalmente den su situacion. E ta rekeri e capacidad pa compronde e motivacionnan tras di e sentimentonan y accionnan di un otro persona.

Empatia emocional ta permiti hende comparti y experiencia otro su emocionnan indirectamente. E ta bay mas leu cu comprendemento pa evoca reaccionnan emocional similar, permitiendone un conexion emocional mas profundo.

Empatia compasivo ta encera un deseo pa alivia activamente e sufrimento di otro hende. E ta encera no solamente compronde y comparti emocionnan, pero tambe tuma medida pa duna sosten y asistencia na esnan cu tin mester di dje.

Mientras cu empatia ta generalmente wordo considera positivo, cierto trastorno mental por afecta e habilidad empatico di un individuo.

Trastorno di e Spectrum Autista (ASD): un persona cu ASD por tin dificultad cu empatia cognitivo, loke ta hasi difícil pa nan compronde señalnan y emocionnan social. E reto aki por stroba nan capacidad pa conecta emocionalmente cu otro hende.

Trastorno Di Personalidad Limita (BPD): un persona cu BPD hopi biaha ta experencia emocionnan intensivo y inestable, cu ta afecta nan capacidad di empatia emocional y ta hasi regulacion dinan mes sentimento difícil. E inestabilidad aki por tensiona relacionnan.

Trastorno Di Personalidad Narcisista (NPD): personanan cu NPD por priorisa nan mes necesidadnan y deseonan riba esnan di otro, cu ta conduci na empatia deteriora. Nan por tin dificultad pa reconoce of compronde otro su emocionnan, en bes di esei enfoca riba nan mes preocupacionnan.

Psicopata y Trastorno Antisocial di Personalidad (ASPD): e trastorno aki ta caracteriza pa un falta di empatia y preocupacion pa bienestar di otro. Hende cu psicopata of ASPD por muestra un comportacion manipulado, emocionnan superficial y un desprecio pa normanan social y moralidad.

Reconoce e señalnan di problema relaciona cu empatia ta esencial pa intervencion y sosten tempran. E dificultad pa compronde e emocionnan di otro, e falta di capacidad di respuesta emocional y e insensibilidad na e necesidadnan di otro ta entre e indicadornan pa tene cuenta cu ne.

Busca yudansa di profesionalnan di salud mental, manera terapeuta of psiquiatra, por duna un sosten y orientacion valioso na personanan cu ta experencia retonan relaciona cu empatia. Terapia por yuda mehora regulacion emocional, mehora relacionnan interpersonal y promove bienestar general.

Den conclusion, empatia ta importante pa interaccion humano, enrikeciendo relacionnan y fomentando comprension. Mientras cu e por varia entre individuonan, reconoce y trata problemanan relaciona cu empatia ta crucial pa promove inteligencia emocional y construi comunidadnan di apoyo.

Loke nan ta bisa di bo salud

Descubri e secreto di bacteria intestinal

BO intestino, ta almacena biyones di bacteria y microorganismo conoci colectivamente como e microbionan intestinal. E comunidad di bacteria aki ta hunga un rol crucial den desintegracion di cuminda y extraccion di nutriente esencial, influenciando bo bienestar fisico y mental.

Compronde salud intestinal y microbioma

Bo intestino, ta e centro di digestion y eliminacion di desecho di bo curpa. Salud intestinal ta referi esencialmente na mantene un microbioma intestinal balansa, cu problema digestivo na un nivel minimo.

Tin mas o menos 300 pa 500 especie di bacteria, virus y fungus den e intestinonan grandi, cu ta yuda digestion di cuminda y absorpcion di nutrientenan. Mientras cu algun microorganismo ta presenta riesgo pa salud, hopi ta indispensable p'e funcionnan corporal.

Dicon salud intestinal ta importante?

Investigacion emergente ta enfatisa e impacto profundo di salud intestinal riba bienestar general. Tin diferente aspecto di salud intestinal cu a keda estableci, *entre otro*:

- Funcion di e sistema inmunologico
- Salud mental
- Malesa autoimmun
- Trastorno di sistema endocrino manera diabetes tipo 2
- Trastorno gastrointestinal manera sindrome di e intestino irritable.
- Salud cardiovascular
- Prevencion di cancer
- Calidad di sueño
- Eficiencia digestivo

Un variedad amplio di bacteria intestinal ta indica un microbioma saludable, enfatisando e rol fundamental di

salud intestinal den bienestar holistico.

Señalan di un Intestino menos saludable

Tin hopi factor cu por altera bo salud intestinal. Esaki ta inclui stress, falta di sueño, estilo di bida sedentario, consumo di cuminda ultra procesa, humamento, consumo di alcohol den exceso y uzo di antibiotico. Problema di salud intestinal por manifesta como problema digestivo, trastorno di sueño, alteracion di estado di animo y susceptibilidad na infeccion.

Mehora bo salud intestinal

Mehora bo salud intestinal ta encera modifica bo estilo di bida y dieta:


1. Fibra Dietetico: Alimento rico den fibra, manera fruta, berdura, y grano integral, ta promove salud intestinal door di facilita defecacion regular y ta alimenta bacteria intestinal beneficioso. Purba di consumi por lo menos 25-30 gram di fibra pa dia.

2. Dieta diverso: Incorpora un variedad di cuminda di origen vegetal den bo cuminda pa promove un microbioma diverso y garantiza un ingestion amplio di nutriente.

3. Limita alimento ultraprocesa: Opta pa cuminda minimamente procesa pa preserva integridad nutricional y evita aditivo dañino pa salud intestinal.

4. Hidratacion: Bebe suficiente awa pa yuda den digestion, preveni constipacion y promove un microbioma intestinal diverso.

5. Alimento rico den polifenol: Inclui yerba, specerij, fruta colorido, noot y bebida manera green tea y cacao pa haci uzo di e beneficianan potencial di polifenol den salud intestinal.



6. Alimentacion consciente: Kauw e cuminda bon y come lentamente pa alivia e molestianan digestivo.

7. Alimento fermenta: Incorpora cuminda fermenta manera yogurt, kimchi y kefir pa introduci bacteria beneficioso den bo intestino.

8. Maneho di stress: Practica tecnica pa reduci stress, manera ehercicio, sueño adecuado, socialisacion y relajacion pa apoya salud intestinal.

9. Probioticonan y antibioticonan: Mientras cu probiotico por ta beneficioso den cierto caso, e ta priorisa absorpcion di nutrientenan di cuminda integral riba suplemento. Tene cuenta cu e uzo excesivo di antibiotico, reconoce su potencial pa altera e microbioma intestinal.

Evita dieta di moda of productonan cu ta priminti mehoracion rapido den salud intestinal. Na luga di esey, concentra riba practica di dieta y estilo di bida basa riba evidencia pa optimalisa salud intestinal.

Den conclusion, nutricion di un microbioma intestinal floreciente a traves di nutricion consciente, eleccion di estilo di bida y maneho di stress ta primordial pa salud y bienestar en general. Priorisando salud intestinal, bo ta prepara e caminda pa un curpa y un mente prospero y resiliente.



DEPORTE

deporte@awemainta.com

Futbol Copa Honor Plata

S.C. United ta gana Rooi Afo den tremendo wega



E Soldaatnan di S.C. United ta logra un Victoria importante riba e Caymannan di Rooi Afo, pero mester a traha duro y pasa basta trabou pa por a sentencia e wega aki. E Caymannan a demostra cu 4or di atardi ta nan ora. E calor fuerte y e solo cayente sigur a hunga un rol den e wega aki, y S.C. United mester a warda te na di 85 minuut pa score su prome gol.

Un penalty bon cobra pa e maximo goleador di S.C. United Antonio Fawcett ta manda e soldaat nan di Sabana Liber ariba. Sigur un baño di awa friu p'e team di Rooi Afo cu a bin ta hungando un wega bastante organisa, cerando tur espacio y duna casi nada di tereno p'e soldaatnan di Sabana Liber.

Despues di e gol aki, e Caymannan mester a cuminsa move su liñanan pa busca e gol di empate. Aki nan S.C. United ta haya mas espacio pa traha y ta na di 94 minuut Antonio Fawcett ta bolbe haya caminda pa gol pa haci e wega 2-0. Cu e victoria aki S.C. United ta mantene paso firme y ta yega

18 punto y ta pone mas presion riba e submarino blauw di Pos Chiquito, SV Unistars cu mester sali tur cu tin pa saca e 3 puntonan contra e indjannan di Caiquetio. E Caymannan di Rooi Afo ta biniendo di menos pa mas, y a pesar di a hunga un tremendo wega ta bay cas man bashi y ta keda claba cu su 9 punto.

Cos ta birando interesante den e grupo A, pasobra te ainda nada ta skirbi riba piedra. Cu 3 wega mas pa bay, hopi cos por pasa ainda. E soldaatnan di Sabana Liber ta mira accion atrobe **diadomingo 21 di April** pa 8or di anochi contra e Indjannan di Caiquetio. Di otro banda e Caymannan di Rooi Afo tambe ta mira accion dia **21 di April**, pero pa 6or di atardi contra e Hulknan di Bubali. Esaki ta bay ta un wega decisivo p'e team di Rooi Afo. Un victoria lo mantene e Caymannan na bida pero un derota por ta devastador p'e aspiracionnan di Rooi Afo.

Yega Compleho deportivo Frans Figaroa e weekend aki, pasobra e wega nan ta bay ta basta interesante.

E draft di WNBA a bati record

Impulsando e liga na un era nobo di visibilidad y emocion

DEN un momento historico pa basketball femenino, e WNBA Draft a kibra record di audiencia, atrayendo un audiencia di aproximadamente 2.45 milyon di espectador riba ESPN. E aumento monumental den e audiencia, eclipsando e recordnan anterior, ta refleha e anticipacion mas grandi rond di e streanan entrante manera Caitlin Clark, Angel Reese, Cameron Brink y Kamilla Cardoso.

E exito sin precedente di e draft ta nifica un momento crucial pa WNBA, ya cu e tin como meta pa capitalisa e surgimento di nombenan familiar di rangonan universitario. En particular, e wega di campeonato nacional cu Clark y Cardoso a gana mas di 24 milyon di espectador, cu ta duna un indicacion fuerte di e interes creciente den basketball femenino.

E afluencia di poder strea, ehemplifica pa hungadonan manera Clark, cu hasta a haci un aparicion prome cu e draft na "Saturday Night Live", ta enfatisa un oportunidad sin precedente pa WNBA eleva su perfil. Cu cada anuncio di comisario di WNBA, Cathy Engelbert, riba e podio di draft, a presenta un otro strea estableci cu un gran cantidad di siguidonan riba rednan social, loke a amplifica e visibilidad y atractivo di e liga.

Phil Cook, director di marketing di WNBA, a compara e momento aki cu e inicio di e liga na 1997, enfatisando e importancia cu nombenan conoci ta uni cu WNBA. Segun cu e liga ta cambia su strategia di marketing for di promove un grupo amplio di hungado



pa enfatisa nombenan selecta di caliber halto, su meta ta pa probecha di rivalidad y storianan pa captiva tanto fanaticonan existente como nobo.

E cifranan di audiencia record di e draft ta señala un trayectoria prometedor pa WNBA, apoya pa asociacionnan strategico cu entidadnan corporativo y di media. Cu bista riba sigura un acuerdo lucrativo di derechonan di media na 2025, e liga ta bon posiciona pa capitalisa e impulso aki y propulsa su mes na altitudnan nobo.

Ademas, e compromiso di WNBA pa mostra nan wega riba varios plataforma, incluyendo television, rednan social y campananan publicitario,

ta enfatisa nan dedicacion na duna fanaticonan un experiencia atractivo y accesibel. P'e siguiente temporada y mas leu, e liga ta keda enfoca riba maximisa su potencial di crecimiento y consolida su status como e destinacion principal pa talento di basketball femenino di caliber elite.

Na final, e audiencia record di e Draft di WNBA ta marca un momento decisivo p'e liga, destacando su relevancia creciente y atractivo riba e escenario nacional. Cu un generacion nobo di hungado strea prepara pa captiva e publico, WNBA ta prepara pa drenta un era nobo di visibilidad y emocion, consolidando su posicion como forsa lider den deporte femenino.

Jack Eyers:

Di Mr. England pa aspirante paralímpico den Para-Canoa



JACK Eyers, ex ganador di Mr England, awor a bira un paracanoista cu tin su bista riba e Weganan Paralímpico di Paris 2024 despues di a surpasa retonan y probecha oportunidadnan nobo den su bida.

Na edad di 16 aña, Eyers a tuma e decision pa amputa su pia drechi pa motibo di un malesa yama deficiencia focal femoral proximal (pffd). E decision aki no solamente a transforma su capacidadnan fisico, pero tambe a habri porta pa oportunidadnan nobo den su bida.

Eyers su resiliencia y determinacion a impuls'e na exito, tanto den modelahe como den deporte. El a bira e prome amputá cu a gana e corona di Mr England na 2017, desafiando e percepcionnan di discapacidad den e industria di moda. Haciendo e transicion pa para-canoa, el a logra ya caba dos titulo di Campeon Mundial y a aspira e gloria paralímpico na Tokyo 2020, pero lastimamente no a logra drenta seleccion.

Asina mes Eyers a sigui sobresali den su actividadnan atletico, logrando medayanan di oro den Campeonato Mundial y Europeo mas despues. Cu bista firme riba Paris 2024, e ta considera competi na Weganan Paralímpico como e 'highlight' di su carrera, e culminacion di añanan di dedicacion y perseverancia.

Reflexionando riba su carrera, Eyers ta enfatisa e importancia di acepta e desafionan y canalisa e emocionnan pa resultadonan positivo. E ta atribui su crecimiento como atleta na resiliencia, mehoracion di strategianan di careda y mehoracion di habilidadnan fisico.

Mientras Eyers ta preparando pa e siguiente Weganan

Paralímpico, Eyers ta keda optimista y determina pa tuma e oportunidad pa representa Gran Bretaña riba escenario mundial un biaha mas. P'e, competi na Paris lo ta e validacion definitivo di su trayectoria for di Mr England pa aspirante Paralímpico, marcando un paso significativo den su notabel carrera.

APPAREL

BOAT ACCESSORIES

[f TodomarAruba](#) [@TodomarAruba](#) [TodomarAruba](#) +297 585 0555

FISHING TACKLE

FIBERGLASS PRODUCTS

Ronnie O'sullivan a revela di tin un papel dual den controversia pa cu campeonato mundial



E controversia recién rond di e petición di leyenda di biyar Ronnie O'sullivan pa move Campeonato Mundial pa Arabia Saudita a tuma un turno sorprendente. A revela cu O'sullivan a firma un contract di tres aña como embahador pa promove biyar den Medio Oriente.

Segun e terminonan di e contract, O'sullivan lo participa na tur evento di billar den Medio Oriente y tambe lo duna entrenamiento extenso na un academia di biyar cu lo habri den e region. E desaroyo aki ta duna un otro buelta na e comentarionan anterior di O'sullivan cu tabata boga pa e relocacion di e campeonato.

E anuncio a crea discusion nobo entre entusiastanan di biyar, particularmente na Inglatera, unda e deporte ta gosa di un fanaticada ferviente. Hopi fanatico a expresa nan indignacion pa e sugerencia di O'sullivan pa hiba e torneo prestigioso Saudi Arabia, citando preocupacionnan riba asuntonan di derechonan humano y integridad di e deporte.

Ademas di e rol di O'sullivan como embahador, e organisadonan na Riyadh a firma un acuerdo di sponsoring cu Matchroom, e agencia deportivo responsabel pa organisa e Campeonato Mundial. E asociacion aki ta enfatiza e interes

creciente den biyar den Medio Oriente y ta señala posibel colaboracion den futuro entre Matchroom y autoridatnan di Medio Oriente.

Pa futuro, tin plannan pa organisa un torneo oficial di clasificacion na Riyadh den e proximo temporada. Ademas, ta specula cu e Campeonato Mundial por tuma luga na Riyadh unabes cu e contracto actual entre Matchroom y The Crucible caduca na 2027.

E desaroyonan ta enfatisa e expansion global di biyar y e popularidad creciente di deporte den regionnan manera Medio Oriente. Sinembargo, nan ta lanta preguntanan tambe riba e interseccion di deporte, politica y interes comercial, particularmente mirando di e dobel rol di O'sullivan como hungado y embahador.

Mientras e Campeonato Mundial ta cuminsa na Sheffield e diasabra aki, e comunidad di biyar ta keda dividi tocante O'sullivan su participacion den promocion di deporte na Medio Oriente. Algun ta aplaudi esfuersonan pa expande e alcance di e wega, mientras cu otro nan ta expresa reserva riba e implicacionnan di alinia cu cierto entidadnan geopolitico.

CIENCIA

Científico Hulandes ta cultiva e prome embryo sintetico humano morocho



CIENTIFICONAN Hulandes a logra un echo notabel den cultiva pa prome biaha un structura embrionico di un morocho humano identico for di stemcel individual, sin uza un ovulo of un spermatozoide. E trabou pionero aki a wordo realisa pa MERLN Institute di Maastricht University y Maastricht UMC+.

E logro aki a bira posibel danki na un plataforma tecnologico avansa cu ta permiti e crecemento regula di e celulan, tehido, organo y embryo. A traves di un expansion controla di e blastocisto, un etapa trempan di desaroyo embrionario cu ta consisti di stemcel, e embryo a dividi exitosamente den dos. E proceso aki ta marca e paso inicial den formacion di morocho.


E meta principal di e investigacion aki ta pa compronde e implantacion y desaroyo saludabel di embryo, como tambe compronde aborto spontaneo y infertilidad. Creando embryon sintetico, e cientíiconan por studia e prome micro-procesonan cu antes tabata inaccesibel. E resultadonan aki a wordo publica den e revista Advanced Materials.

E embaraso di morocho aki ta wordo hopi asocia cu complicacion durante implantacion trempan, cu awo por wordo analisa miho y posiblemente preveni of trata. Fuera di esey, e tecnologia aki lo enfoca riba compronde, diagnostica, trata y preveni diferente malesa humano (trempan).

E investigadonan ta trahando actualmente pa determina experimentalmente ki factor, hormona y otro substancia ta provee e ambiente ideal pa e crecemento optimal di e embryo (morocho) durante e prome siman di desaroyo.

Ademas, nan a desaroya un “implante den chip” pa crecemento den e di dos siman, cu ta permiti nan studia e condicionnan cu ta conduci na e implante exitoso di e embryo den e matriz di e pashent. Esaki lo contribui na un miho prediccion di e chensnan di exito di tratamento despues di IVF y PGT (testnan genetico prome cu implantacion).

A descubri cu beer di awa por sobrevivi nivel mortal di radiacion danki na su gennan



E investigadonan di e Universidad di North Carolina na Chapel Hill, di cua nan trabao a wordo cita dialuna pa Phys.org, a descubri cu un di e especienan di tardigrado mas studia den laboratorio por sobrevivi nivel di radiacion cu lo ta mortal pa humano, debi n'e capacidad di nan gennan pa drecha nan DNA.

E tardigradonan, conoci como beer di awa, por soporta condicion ambiental extremo, manera presion grandi, temperatura abao y falta di gravedad. Na 1963, algun científico Frances a revela cu algun especie di tardigrado a resisti e exposicion masivo di X-ray y mas recientemente a descubri cu nan ta soporta radiacion 1400 biaha mas

hopi na loke tin mester pa mata un persona.

Expone excesivamente na radiacion ta resulta perhudicial, ya cu e ta causa alteracion den DNA, fuera di provoca malesa. Den algun investigacion anterior a evidencia cu e tardigradonan ta capaz di preveni of elimina daño causa pa radiacion den nan material genetico. Esaki nan ta haya danki na un proteina denomina Dsup (contraccion di 'damage suppressor'), cu ta proteha e gennan reparador di e material genetico.

Tardigradonan por sobrevivi radiacion

Den un estudio publica den e revista Current Biology, a reporta cu e especimennan di e especie di tardigrado 'Hypsibius exemplaris' exponi n'e rayon gamma, a logra coregi e variacionnan den nan DNA.

Esaki ta ilustra cu e 'Hypsibius exemplaris', cu ta contene e proteina Dsup, no ta inmuun n'e daño causa den e DNA p'e radiacion y a sufri alteracion grandi

den nan material genetico, a aumenta e produccion di gen reparador, loke a permiti nan sana nan DNA 24 ora despues di a wordo exponi n'e rayon gamma, e investigacion a señala.

Di un otro banda, e científiconan por a regula e actividad di algun gen di reparacion den e genoma di e bacterianan 'Escherichia coli'. En efecto, ora cu esakinan a wordo sometí n'e rayon gamma, nan a mostra un capacidad di reparacion di nan DNA similar n'e tardigradonan.

"E animalnan aki ta desaroyando un respons increibel na radiacion y esaki parce ta e secreto di nan capacidadnan extremo di supervivencia," e biologo Courtney Clark-Hachel, miembro di e ekipo, a sostene. E instruccion riba e mecanismo pa cual e tardigradonan ta supera e perhuicionan di radiacion "por conduci na idea nobo riba con nos por tarda di proteha otro animal y microorganismo di e radiacion dañino," e científico a sigura.



Violet Spa

Servicios a Domicilio

- Masajes Anti-Estress y Relajantes
- Masajes Terapéuticos
- Reflexologia Podal
- Detox Lónico

Masaje Reductor

Masajes reductores contiene:

- Aparatologia Combinada
- Manta Térmica
- Maderoterapia
- Drenaje Linfático

Moldeo de Figura

con cierre de costilla y reloj de arena



 +297-740-5235
  Ubicación bajo demanda



Leonardo Figaroa (PDP):

Periodismo di calidad ta raporta hecho y tur banda di medaya

Solo di Pueblo no ta integro!

MI a drenta politica pa participa na e plataforma mas grandi cu tin na Aruba. E Eleccionnan di 2025, pa por ta un simbolo di innovacion pa e hoben estudiante, hoben empresario, comercio, tatanan y mamanan di famia, pensionado y Aruba completo. E ta exige di mi como politico pa cada biaha busca hopi bon pa sa kico mi ta papia ariba dje. Esaki ta un tema cu pa mas di 5 aña mi tin ta prepara mi mes. Pa mi politica ta un arte bunita unda dialogo ta e base fundamental, debate ta e instrumento pa nos por yega na proposicionnan solido, realistico pa salvaguardia e interes y bienestar general di Aruba.

Trias politica y Prensa?

Na 2021 e tema di Trias politica tabata uno cu a bin ariba debi na e forma con no tur ora e la wordo bon splica. In "a nutshell" gobierno tin hopi poder cu Aruba su electorado ta duna gobierno door di vota durante eleccion. E voto ey ta e pilar fundamental cu nos leynan y democracia ta hustifica tur decision cu keda tuma, tur esaki ta regla den nos Staatsregeling.

• **Parlamento ta legislado**, esaki kiermen traha ley y tambe tin e tarea di keda supervisa gobierno, tarea controlativo. Paso parlamento ta representa Aruba, a nos ta vota pa e miembronan (21 pa ta exacto) traha den nomber di pueblo. P'esey capitulo 3, Staten - Articulo III.1 ta bisa: De Staten vertegenwoordigen het gehele Arubaanse Volk.

• **Gobierno tin e tarea ehecutivo**, segun ley pa ehecuta locual parlamento bise. Esaki ta un discusion politico paso den realidad e no ta sucede, pero un articulo pa un otro momento. - Door di e tarea compleho cu gobierno a haya primordialmente riba e tema di medio ambiente, derecho social y salubridad, gobierno tambe a bira un co-legislador. Pensa riba un landsbesluit cu ta keda firma door di Minister Raad (Consejo di Minister)

• **Poder di huesnan**, e organo hudicial ta unda e ciudadano por acudi si e ta sinti cu riba su derechonan a ser trapa. Nos tin huesnan imparcial y completamente independiente.

Esaki ta e famoso checks and balances cu tin cu percura cu e contracto social cu ta e confianza di pueblo den su representantenan ta wordo salvaguardia.

E di 4 poder den un estado di democracia

Prensa, prensa ta e bos di pueblo. Nan ta e personanan cu ta cana den pueblo, cu ta den cada momento cu pueblo y nan ta raporta y informa pueblo di Aruba tocante tur sucedido pa asina abo como ciudadano por sa kico ta pasando riba nos isla. E trabao di un periodista ta exige cu e tin cu mantene su mes na e global charts of ethics, esaki ta un total di 16 punto cu tin cu garantisa cu e trabao di periodistanan rond mundo ta confiabel.

Solo di pueblo su integridad ta 0.0

Ainda e lucha contra un plataforma cu ta defende e gobierno y cu ta pensa cu por trapa riba cualkier persona pasobra nan ta solo di pueblo ta continua. Nan sigur a bati na e adres bon robes. Como politico mi ta un hoben serio cu a drenta pa cambia mentalidad, propone e solucionnan dificil cu ningun otro politico kier papia ariba dje y percura cu den dialogo nos por yega na un proposicion concreto cu menos consecuencia negativo pa e interes publico. Cu sr. Edmond Croes ta cambia e contexto di mi palabranan, sin puntra mi pa un reaccion, sin invita mi pa un entrevista pa asina mi por splic'e con nos ta bay yega na e cambio ambicioso aki anto e ora ey mi lo por conclui cu no tin integridad den su persona. E lo por yama su mes un periodista? Mi ta curioso pa por wak ki diploma e tin y si e ta sigui manehonan internacional manera e global charts of ethics. Un personahe populista cu tin cu sali na defensa di su gobierno, paso tin interesnan personal, economicamente mara tras di e gobierno aki.

Aruba nos tin cu exige di tur hende pa nos tin nos normanan y balor in check, di prensa nos tin un tarea mesun cos cu nan ta controla nos como politico, pa señala informacionnan incorrecto cu nan ta publica cu no ta cuadra cu e realidad. E lucha contra populismo ta continua, Aruba nos proposicion ta un contracto social politiea nobo. Nos ta keda positivo cu nos ta logrando nos obhetivo: Un dialogo nacional!



Leonardo Figaroa

Un feliz atardi,

Señor croes mi ta tuma mi tempo cortico reacciona. Mi a manda bo persona un carta paso ainda mi ta wardando un reaccion riba riba esaki.

Mi lo add e cartanan pabo lesanan. Mi a añadi e Global charts of Ethics pa recordabo como periodista cu bo tin e obligacion di rapporta hecho y no purba di un forma populista bira mi palabranan y saca nan for di contexto.

Mi ta dispuesto pa yega bo programma mayan y splicabo con mi lo kier propone e plan aki. Pa splica bo oyentenan kico ta un sociaal vangnet y con nos lo financia esaki.

Recordando bo cu como periodista profesional cu bosa yama bo mes bo persona tin e obligacion di presenta tur 3 banda di medaya y no esun di bo persona solamente.

Ami ta cla pa bin splicabo señor croes con nos ta hacie. E politica di Leonardo Figaroa diferente na e lider cu abo ta sostene no ta basa riba nepotismo, patronahe politico y friends and family pa enrikese boso mes mientras hobenan no por haya trabao.

Y mi ta comprende cu e ta dificil pabo persona comprende cu nos Partido ta kere den dialogo. Informa pueblo debidamente y formula nan opinion y boluntad pa un cambio berdadero.

Mi ta keda en espera di bo contesta positivo.

Por tuma contacto cumi na mi cel ta lage akiounan pabo señor croes conhuntamente cu mi carta pabo y e chart di Nacionan uni



Edmond Croes

16h · 🌐

Figaroa a sali duro pa critica Solo di Pueblo. Solo di Pueblo a ganja? Husga pa bo mes! Ata aki su punto # 1. Solo di Pueblo a raporta e berdad: E kier manda 2000 ambtenaar cas. Para pa bo escrito, no culpa Solo di Pueblo!

den comunidad. Nos proposicion ta lo siguiente: **1. Gobierno mester reduci su gastonan di personal door di saca 1500-2000 empleado for di sector publico.** Crea un social vangnet pa negosha cu sector priva un transicion. **2. Mester sinta cu sector priva pa e 7% di BBO no tin un**



Edmond Croes

Ta unda bo kier pa sector priva tuma 2000 hende?

Like Reply

9

Tempo cu Marisol y Benny a parti y bende tereno pa hotel y condominium manera pamflet, nan no a corda ni riba “carrying capacity”

Net AVP cu mas cu mocion di desconfianza contra Minister Glenbert Croes?



DURANTE reunion publico diamars ultimo, pa sorpresa di tur hende, manera cu e reunion a habri MAS y AVP a entrega un mocion di desconfianza contra Glenbert Croes. E mocion obviamente a keda rechasa y e strategia di AVP cu MAS pa core cu Minister Glenbert Croes a fracasa.

Carrying Capacity:

Corectamente e mandatario a cuestiona e hecho cu ta net AVP cu ta e universidad di corrupcion, net Marisol Tromp cu AVP a cataloga como Mrs Real Estate, ta esunnan cu awe kier cuestiona Glenbert Croes riba e tema di carrying capacity? Tempo cu Marisol y Benny a parti y bende tereno pa hotel y condominium manera pamflet, e tempo aya nan no a corda mucho menos worry cu carrying capacity di Aruba. Awo ta Gabinete Wever Croes ta hay'e ta deal cu otro problema mas ocasiona pa AVP y MAS, esunnan cu a regala permiso pa hotel, bende tereno pa hotel sin preocupa kico lo pasa cu Aruba den futuro. Y e futuro ey a bati na nos porta awe y un biaha mas ta MEP mester deal cu e desasternan cu Marisol Tromp y AVP a ocasiona.

DIMAS:

Pero Minister Glenbert Croes ta considera e mocion di desconfianza di AVP y Marisol, cu por cierto a fracasa, e prueba contundente cu e maneho laboral y di integracion di e mandatario ta dunando su frutonan y ta bayendo bon. P'esey AVP cu MAS kier a baha e mandatario, no pasobra nan no tin confiansa den dje manera cu nan kier a pretende pero pasobra cu danki na Minister Glenbert Croes su mmaneho humano y husto, e ta kitando tur e votadonan di AVP y MAS.

DIMAS su servicio a conoce un mehoracion grandi

Ta berdad cu na principio tabatin resistencia y ta comprendibel pasobra DIMAS tabata custumbra cu 8 aña di corrupcion di permiso di AVP. Mientras tanto DIMAS sa cu Minister Glenbert Croes su unico intencion ta pa duna un servicio optimal di integracion na comunidad di Aruba.

Miguel Mansur (ACCION21):

MEP, Gerlien Croes y Rycond do Nascimento ta rechasa regularisacion di esnan indocumenta

DIAMARS den reunion publico cu Minister Glenbert Croes (Labor, Energia y Integracion) fraccionnan di ACCION 21 y RAIZ a introduci un mocion pa regularisa personanan indocumenta temporalmente. Parlamentarionan Miguel Mansur, Misha Raymond y Raymond Kamperveen kier legalisa personanan cu tin mas cu tres aña na Aruba tanten nan ta bao cierto edad, por presenta un certificado di buena conducta y cu limite riba derecho di reunificacion familiar. E mocion cu rekisitonan pa haci esnan indocumenta legal ta urgi gobierno pa tuma paso inmediato of e Minister lo mester bolbe parlamento dentro di 90 dia pa duna un splicacion pakico no por efectua e mocion.

E mocion di ACCION 21 y RAIZ ta den linea cu loke gremionan comercial; ATIA, AHATA, CUA y KVK ta pidiendo mirando e falta di trahado. NGOs manera HIAS, UNHCR y IOM tin añas ta pidi gobierno tuma paso pa e poblacion indocumenta na Aruba. International Organization for Migration recientemente a presenta resultado di nan inventario di e poblacion indocumenta Venezolano y un impact study riba nan regularisacion. Nan ta calcula cu tin 5.000 persona indocumenta di Venezuela, 4.000 di nan ta trahando y mita di esnan trahando ta gana menos cu salario minimo. Nan ta ofrece gobierno di Aruba fondonan y asistencia tecnico pa regularisa esnan indocumenta y a provee un impact study pa muestra e beneficienan di legalisa.

HIAS y UNHCR tin hopi aña ta asisti esnan indocumenta y ta boga pa nan regularisacion. UNHCR ta avisa cu gobierno tin tur dato riba esnan ilegal si nan kier realmente mira e problema. Mayoria di esnan indocumenta a yega via nos airport dus facilmente gobierno por constata cuanto persona actualmente a overstay y ta forma parti di nos poblacion indocumenta.

Gobierno Wever-Croes tin casi 7 aña na poder y nunca a haci un esfuerzo di inventarisa e poblacion indocumenta of studia ki beneficio nan por tin pa nos economia. E mesun politica di avestruz di no kier trata problema pa miedo di perde voto tin e solucion pa e poblacion indocumenta wanta pa añas.

Fraccionnan di ACCION 21 y RAIZ a forsa un voto pa constata ken ta na favor di regularisa esnan indocumenta y ken ta contra. Den palabranan di sra. Raymond, “*mi ta kere a yega tempo pa nos stop di entretene mas informacion y bay na*



actonan mas concreto.” Partido MEP hunto cu independientenan Gerlien Croes y Rycond do Nascimento (hunto representando 11 voto) a rechasa e mocion pa regularisa esnan indocumenta. Pa purba no aparenta anti-stranhero, MEP y e miembronan independiente a indica cu nan loke kier mira mas estudio pa tuma un decision asina.

Esaki mientras MEP tin casi 7 aña den gobierno y te cu awor a evita di tur manera pa trata cu seriedad e poblacion indocumenta. Cu parlamentarionan Gerlien Croes y Rycond do Nascimento a sostene partido MEP den un maneho anti-stranhero ta sorprendente pa hopi cu a spera mas di e politicianan hoben.

Partido AVP a sostene e mocion pa regularisa esnan indocumenta y partido MAS a abstene.

Parlamentario Mansur a enfatisa cu pueblo ta mira na Parlamento pa provee solucionnan real p’e problemanan cu nos pais ta enfrenta. E tamaño grandi di nos poblacion indocumenta ta restringi aumento di salario, specialmente p’esnan di menos recurso. Sigur ta den interes general pa yega na un solucion realistico.

Diamars atardi a keda estableci ken nan ta **NA FAVOR** di regularisa esnan indocumenta:

ACCION 21, RAIZ y AVP.

Tambe por a constata ken nan ta **CONTRA** di regularisa esnan indocumenta:

MEP, Gerlien Croes y Rycond do Nascimento.

Esnan contra no a provee ningun solucion p’e problematica di esnan indocumenta fuera di sigui cu e politica di avestruz di purba no trata topiconan cu por ta controversial.

Juni Croes(AVP):

Pa partido MEP biahamento ta mas necesario cu duna aumento na nos pensionadonan

UN parlamentario di mep ta Sali padilanti e siman aki y bisa cu MEP a aumenta e pensioen di biehes cu 228 florin den 7 año segun su propio declaracion. Es decir un aumento di 20 florin pa año. Esey segun MEP ta suficiente y responsabel pa duna.

Esaki ta e mesun parlamentario cu a drumi cu otro 2 colega den mesun camber di hotel na Hulanda pa spaar dag geld vergoeding di 400 dollar pa dia, placa di pueblo pa hinca den nan saco. Y un otro parlamentario di MEP ta declara cu biahamento ta necesario y importante. Tin un solo minister cu ta Minister di Energia cu den 7 año a gasta casi mey miyon florin na biahamento. Partido Mep asina publicamente ta bisa cu nan ta contra e aumento aki.

Partido Mep mester compronde y sa cu 7 año pasa bestaans-minimum tabata 1000 florin menos. Esaki ta segun datos di CBS y no inventa pa ningun hende, sigur no pa AVP. 7 año pasa nos pensionadonan no mester a paga pa remedi, 7 año pasa coriente y awa tabata na mita prijs. 7 año pasa no tabata existi e medida di BBO na frontera, cu ta yiu di e BBO original cu Partido MEP ta tata y mama di dje. Ta pasobra ta Partido MEP a trece e yiu aki na mundo cu yama BBO. 7 año pasa Aruba no tabata asina caro cu e ta awo, door di tanto medida imponi ariba pueblo.

Awo ta Sali yen di grito di angustia pa si un aumento di 50 % ta realistico si of no. E por ta realistico di awo caba y sigur despues cu nos a tuma nota den un entrevista cu director di SVB a declara, cu cualkier aumento lo mester Sali for di caha di



gobierno. Si MEP corta den gasto di biahamento rond mundo y tambe gobierno uza e 500 miyon extra den presupuesto door di medidanan poni ariba lomba di pueblo y ta gaba cu tin surplus di mas di 50 miyon, por duna e aumento aki sin ningun problema.

Hopi grito di auxilio ta saliendo for di comunidad y organisacionnan pa basta año caba cu ta bisa cu nos pensionadonan ta pasando den miseria y placa no ta yega nan y awo cu AVP ta Sali padilanti cu mester duna e aumento substancial aki y si ta duna oido n'e gritonan aki, awo tin Partido politiconan y tambe otronan ta manera spanta y ta bisa cu no ta realistico un aumento asina.

Si no haci caso di un departamento manera un CBS cu ta bisa cuanto placa un pensionado mester pa biba, anto pakico existencia di un departamento asina anto?? Kico lo t'e balor anto di un departamento manera CBS cu ta bisa algo, anto nos tur na Aruba ta keda brasa crusa y no ta haci nada pa cu e problema aki. Keda para wak so? No haci nada? Esey hamas lo por t'e pensamiento, si di berdad nos ta kere den DIOS y cu nos mester stima nos prohimo, manera nos ta stima nos mes.

Partido MEP y otronan mester compronde cu ni cu e 50% di aumento aki, ainda e no ta yega e bestaansminimum di 2450 florin cu un pensionado soltero mester pa biba, segun CBS. Pero sikiera e ta yega un poco mas cerca di e cifra aki. Pensionadonan y pueblo mester puntra Partido MEP y e parlamentario aki, si e lo por biba cu 1265 florin pa luna. anto wak kico lo ta su contesta.

E aumento cu Partido AVP den gobierno lo duna nos pensionadonan, ta un deber, un mester y un aumento cu ta realistico y sostenibel. P'e gobierno di MEP esaki ta imposibel pasobra biahamento rond mundo ta mas necesario cu duna un aumento na nos pensionadonan.



Jamilene Ridderstaat di bishita na Parlamento Europeo

ARIBA 12 y 13 di April a tuma luga e “Level Up” event den Parlamento Europeo na Brusselas, Belgica. E evento aki a wordo organisa pa Parlamento Europeo y European Youth Forum y tin e meta pa encurasha hobennan activo den nan sociedad pa vota pa Eleccion Europeo entre 6 y 9 di juni binidero. 1200 hoben for di diferente pais a wordo selecta for di 10.000 aplicacion pa sigui workshopnan over di diferente tema politico y tambe pa cera conoci cu miembronan di parlamento Europeo.

Un di e hobennan cu a wordo selecta ta Jamilene Ridderstaat, un Rubiano di 27 aña bibando na Hulanda. Cu un edad di 19 aña Jamilene a bay studia Pedagogiek na Fontys Hogeschool Tilburg. Durante su estudio el a haci diferente trabou boluntario den exterior. Trahando cu hobennan riba diferente proyecto na India y Kenia sigui pa seminarionan cu el a sigui na Spaña, Italia, Belgica y Alemania. Tur e oportunidadnan aki el a haya danki n’e organisacion internacional ‘Don Bosco Youth Net’ situa na Belgica. E organisacion aki ta uno catolico y tin en meta pa inspira y stimula hobennan pa desaroya nan talento por medio di trabou boluntario y siguiendo seminarionan internacional.

Jamilene ta un hende activo den sociedad y ta vocifera su opinion sobre di diferente topico, specialmente salud mental. Danki na su experiencia boluntario el a wordo selecta hunto cu tres otro boluntario di ‘Don Bosco Youth Net’ pa bishita Parlamento Europeo. Un experiencia unico unda Jamilene a sigui workshopnan di derecho Humano y con pa vocifera su opinion riba medionan di comunicacion. El a cera conoci cu hobennan di otro pais manera Spaña, Dinamarca, Estlandia, Gran Canaria, Inglatera, Irlanda, India y Martinique.

“Mi ta agradecido p’e oportunidad aki y mirando mi interes den politica. E experiencia aki ta motiva mi pa sigui traha cu hobennan y stimula nan pa vocifera nan opinion. Nan opinion ta importante y politiconan tin e deber di scucha y tuma hobennan na serio”

Awo Jamilene ta traha como un freelance trainer y coach. E ta sigui participa na diferente actividad di ‘Don Bosco Youth Net’ y lo kier sigui desaroya su mes como trainer internacional. Un dia e lo kier trece e conocimiento aki bek na Aruba y stimula hobennan pa bira activo den nan comunidad.

Pa mas informacion por check website di ‘Don Bosco Youth Net’: <https://www.donboscoyouth.net/>
European Youth Forum: <https://www.youthforum.org/activities/levelup24>



Aruba Lions Club su Smile Mobile poniendo sonrisa riba cara di nos grandinan



DURANTE fin di siman, Aruba Lions Club su Smile Mobile tabata presente na Centro di Cuido San Nicolaas, Huize Maristella na Savaneta, San Pedro Paviljoen y Sint Micheal Paviljoen.

Esaki ta un proyecto cu Aruba Lions Club tin pa varios aña caba unda ta bay drecha e plancha di djente di e grandinan den diferente centro di cuido. Salud Bocal ta masha importante y p'esey tambe Aruba Lions Club ta tuma e proyecto aki na serio y varios biaha durante aña ta sali cu e Smile mobile pa haci e bunita gesto aki. Varios miembro di Lions Club y Leo Club a pasa e dia ta combersa y compaña nos grandinan y tambe a hiba un treat p'e grandinan.

Sigur un bunita proyecto unda cu nos grandinan a keda masha contento cu e gesto aki.

Aruba Lions Club pa mas di 75 aña sirbiendo nos comunidad, keda pendiente pasobra e siguiente proyecto t'e Hungry Relief specialmente pa Dia di Mama.



Minister Ursell Arends a atende e 'Vierlandenoverleg' riba tema Maritimo y Aviacion na Boneiro



DIAMARS 16 di april, mandatarionan encarga cu Transporte di e Paisnan den Reino Hulandes a reuni na Boneiro den cuadro di Vierlandenoverleg riba e tema di Maritimo y Aviacion. Aruba a wordo representa door di Minister di Transporte Sr. Ursell Arends hunto cu director di Directie Luchtvaart Sr. Edwin Kelly y director di Directie Scheepvaart Sr. Rene Donata.

Vierlandenoverleg ta un reunion formal entre e cuater paisnan den Reino Hulandes. E proposito di e reunionnan aki ta pa discuti y coordina asuntonan comun y temanan relevante pa e bienestar y cooperacion mutuo di e paisnan involucra. Representantenan di e otro tres paisnan tabata Minister Harbers di Hulanda, Minister Lambriex di Sint Maarten y Prome Minister di Corsou Sr. Pisas hunto cu autoridad y experto den e area di Aviacion y Maritimo di cada Pais.

Puntonan clave di e reunion tabata entre otro harmonisacion di leyman entre e cuater paisnan y cumplimiento cu normanan di ICAO (International Civil Aviation Organization) y IMO (International Maritime Organization) cu enfoke riba conectividad y maneho sostenibel.

E combersacion tecnico entre e ministernan a demostra un comprension profundo di e desafionan y importancia di cooperacion den e sector aereo y maritimo.

Aruba ta reconoce e complehidad di e dos sector nan aki pa cual motibo ta gradici e asistencia necesario di Hulanda cu tin e capacidad y experticio riba e area nan tecnico y di



siguridad. Tambe Minister Harbers a menciona coordinacion y consistencia riba trabounan internacional, specialmente ora ta trata di supervision y cumplimiento di e sectornan cu standardnan internacional.

E Vierlandenoverleg a conclui cu acuerdonan firme y un plan di accion claro pa e futuro maneho di aviacion y maritimo entre tur cuater Pais den Reino Hulandes. E combersacionnan a accentua e importancia di adaptabilidad y innovacion den un mundo cu ta cambiando rapidamente y teniendo na cuenta cambio climatico.

Na final di e encuentro Minister Arends a tene un reunion bilateral cu Minister Harbers unda a concretisa y formalisa puntonan di cooperacion entre Aruba y Hulanda. A establece esakinan den un ambiente ameno y constructivo reflehando e apoyo di Hulanda ya existente.

Minister Geoffrey Wever:

Curso di Finansa Den Mi Hogar a tuma luga na Madiki Kavel



E curso Finansa Den Mi Hogar a continua na Madiki Kavel despues di a start den Village na San Nicolas. *“Meta di e curso Finansa Den Mi Hogar ta pa nos hendenan ricibi guia y conocimiento cu por yuda nan tuma decisionan financiero cu ta beneficia su propio desaroyo personal y familiar”*, segun minister Geoffrey Wever.

Finansa Den Mi Hogar ta un programa di educacion financiero desaroya pa Fundacion Plan di Bida. Fundacion Plan di Bida cu su presidente sra. Paloma Osorio- Tromp tin como mision trece conscientisacion financiero den nos comunidad, ofreciendo guia con pa maneha nos finansa mas efectivo.

Despues di e prome edicion exitoso, a dicidi cu e di dos edicion di e curso Finansa Den Mi Hogar lo wordo duna dentro di e districtonan mes e biaha aki - mas cerca y accesibel pa e ciudadonan - y un bes mas, cu participacion completamente gratis.

Finansa Den Mi Hogar ta wordo ofreci den diferente bari-onan dentro tur e districtonan di Paradera, Oranjestad, San Nicolas, Savaneta, Noord y Santa Cruz. Despues di a inicia den Village, e barrio di Madiki tabata e siguiente barrio pa ricibi e curso.

Na Aruba 3 di 10 hogar ta gasta mas di nan entrada tur luna segun sondeo di Banco Central di Aruba. E desaroyo aki ta uno preocupante pasobra e ta indica cu cada luna ta un reto pa hogarnan cumpli cu tur necesidad y responsabilidannan financiero manera entre gasto pa vivienda, cuminda, y prestamonan personal. Como consumidor ta importante pa sa ki impacto cada decision financiero tin riba nos cartera y nos hogar.



Durante e curso di dos dia, cada participante a ricibi informacion riba siguiente topiconan:

- **Dia 1:** Mi ta efectivo den mi cas - Con mi por spaar y con pa cumpra sin emocion. Mi ta paga mi debe - Kico lo pasa ora mi no por paga mi debe mas?
- **Dia 2:** Mi ta inverti den mi futuro. Futuro di nos y nos yiunan ta importante y con nos por logra nos metanan. Mi presupuesto - Kico ta luho y prioridad y con segun bo entrada bo por presupuesta y asina logra nos metanan?

“Ta nos compromiso pa sigui ofrece e curso gratis y haci posibel cu tur ciudadano por yega facilmente y participa activamente na curso Finansa Den Mi Hogar”, segun e mandatario. “P’esei e segundo edicion di Finansa den Mi Hogar ta wordo ofreci den barrio, mas cerca di cas unda hunto cu bisiñanan personanan por participa”, segun minister Geoffrey Wever.

Pa mas informacion y registracion pa e segundo edicion di Finansa den Mi Hogar por tuma contacto cu Fundacion Plan di Bida via telefon 5688848 of email finansasdenmihogar@gmail.com

Ban planta!



Programa

XI Sustainable Education Symposium Aruba 2024

Biblioteca Nacional Aruba




BIBLIOTECA Nacional Aruba ta presenta un otro edicion di su Sustainable Education Symposium. Un evento cu tin como meta pa duna hopi informacion tocante diferente aspecto di sostenibilidad na un publico grandi, incluso alumnonan di scol. E biahe aki e simposio ta dura un siman, for di dia **22 di april pa dia 26 di april** tin diferente evento, tanto na biblioteca como na Cas di Cultura.

Durante e siman aki, parti mainta, biblioteca ta invita alumnonan di scol pa presentacionnan tocante e tema Plantamento.

Diferente orador ta duna informacion tocante e tema entre otro Rendell de Kort, Ludwig Rasmijn, Diego de Cuba, Roselinde Barros-Poels y Gregory Fung A Fat.

Scolnan participante ta: La Salle College, Abraham de Veerschool, EduCampus, Mon Plaisir College, Ceque college y Maria college.

Dia **25 di april** lo tin un 'Evening of lectures' na Cas di Cultura di 7or pa 9or di anochi. Entrada ta gratis. Oradornan ta Rendell de Kort, Roselinde Barros-Poels y Gregory Fung A Fat. Porta ta habri 6or di atardi cu un mercado di informacion y productonan local.



Relaciona cu Luna Nacional Contra Abuso di Mucha

Prome Minister ta invita comunidad en general pa asisti n'e charlanan informativo riba e tema di abuso di menor

RELACIONA cu Luna Nacional Contra Abuso di Mucha, luna di conscientisacion, Fundacion Mi Voz ta bo Voz, Comision Nacional di Abuso Sexual di Mucha y Gobierno di Aruba ta presenta charlanan informativo: Conscientisacion y Prevencion di Abuso di Mucha.

Prome Minister Evelyn Wever-Croes ta invita comunidad en general pa asisti na e charlanan informativo, pa asina engrandece nan conocimiento y tin e oportunidad di haci pregunta riba e tema di abuso di menor.

E anochinan informativo aki lo cuminsa di 7or PM y termina pa 9or PM y lo tuma luga riba e siguiente fecha y localidatnan di MFA durante luna di april:

- Diahuebs 18 di april, MFA Paradera.
- Diahuebs 25 di april, MFA Santa Cruz
- Diamars 30 di april, MFA Savaneta

E oradornan cu lo brinda informacion e anochinan di charla ta profesionalnan na Aruba cu ta trahando cu y tratando casonan di abuso di menor den nan diferente areanan di trabou. Tambe lo brinda informacionnan clave riba con pa reconoce e señalnan di abuso sexual di muchanan; e impacto riba e victima y famianan; y con cada ciudadano por hunga su parti den prevencion y intervencion.

"Ban uni den e iniciativa vital aki pa aumenta conscientisacion y combati e problema alarmante di abuso sexual di muchanan. Cada mucha merece un ambiente sigur y cuido, liber di e menasa di abuso y explotacion. Desafortunadamente, abuso sexual di muchanan ta keda un problema persistente mundialmente, incluso den nos mesun comunidad y hoganran na Aruba. Ta esencial cu nos uni nos forsa pa educa nos mes, proteha nos muchanan, y traha pa crea un futuro mas sigur pa nan", Prome Minister Evelyn Wever-Croes a expresa.

Parlamentario Shailiny Tromp-Lee:

Dia 26 di juni 2020 Parlamento a aumenta castigo di diferente straf maximo encuan to abuso di mucha

DIA 26 di juni 2020 Parlamento a aproba algun cambionan den nos Codigo Penal. Cambionan pa loke ta trata aumento di castigo maximo pa zedendelicten (incluyendo abuso di mucha), tambe nos a trata eliminacion di e verjaringstermijn stipula pa e delitonan aki y nos a autorisa Minister di Husticia encuan to 'vroegtijdig vrijlating' di personanan encarcela na KIA.

Aumento di castigo maximo

Cu aprobacion di e cambionan a culmina un trayectoria largo cu a tuma luga den Parlamento, caminda for di 2010 diferente comision y diferente parlamentario a traha riba e concepto di ley cu a keda trata dia 26 di juni 2020. Concretamente por bisa cu 27 artikel den e ley a conoce un aumento den e straf maximo cu por keda duna.

Delitonan manera violacion, sex indesea cu un mucha bou di 12 aña, casonan di maltrato premedita cu morto como consecuencia y maltrato severo premedita tur lo subi na 15 aña. Ta trata aumento di 3 pa 6 aña di e castigo maximo valido te na e momento ey.

Aki mi ta duna algun ehempel di e aumentonan aproba:

- Violacion (art. 2:197 verkrachting) a hisa di 12 pa 15 aña;
- Relacion sexual cu un persona menor di edad (art. 2:200) a hisa di 8 pa 12 aña;
- Agresion sexual (art. 2:201 aanranding van de eerbaarheid) a hisa di 8 pa 12 aña;
- Homicidio (art. 2:259 doodslag) a hisa di 15 pa 24 aña;
- Maltrato cu lesion grave a consecuencia (art. 2:273 mishandeling die zwaar lichamelijk letstel ten gevolge heeft) a hisa di 6 pa 9 aña y si a ocasiona morto a hisa di 9 pa 12 aña;
- Maltrato severo (art 2:275 zware mishandeling) a hisa di 9 pa 15 aña y cu morto como consecuencia a hisa di 12 pa 20 aña;
- Maltrato severo premedita (art. 2:276 zware mishandeling met voorbedachten rade) a hisa di 12 pa 18 aña y si a conduci na morto e castigo a subi di 15 pa 24 aña;

Eliminacion di e verjaringstermijn

Otro cambio cu a tuma luga ta e verjaringstermijn di diferente delito, esta cu esaki a keda kita pa diferente delito, cual sigur ta haci posibel pa un victima semper por entrega keho, aunke hopi tempo a pasa, toch e abusado por keda investiga y husga. Cu otro palabra e victima no ta perde su derecho pa entrega keho. Esaki sigur ta un cambio cu tabata necesario

Vroegtijdig vrijlating

Vroegtijdig vrijlating tambe a conoce un cambio, esta a duna e



Minister di Husticia e posibilidad pa ora cu pa motibo di e problema structural di escasez di cel den KIA e por dicidi ken mag di sali liber mas trempan. Intencion ta pa percura cu personanan cu comete zedendelicten mester sinta ful nan castigo y no mag di keda laga liber prome cu nan castigo pasa.

Parlamento no a introduci castigo maximo, pero a aumenta esakinan

Contrario na e pensamiento cu mi ta ripara ta reina den nos sociedad ya ta existi castigo y castigo maximo pa 'zedendelicten', esakinan ta forma parti di nos Codigo Penal caba pa hopi tempo. Dia 26 di juni 2020 nos a aproba cambio di un ley existente dus no ta trata introduccion di un ley of articulo nobo. Dia 26 di juni 2020 nos a aumenta esakinan cumpliendo cu e grito di sociedad pa castiga e malhechornan aki severamente.

Con a stipula e aumentonan?

E aumentonan a keda stipula uzando articulo 39 di Statuut cu ta bisa cu nos leynan mester ta mas tanto posibel regla na un forma similar y a base di 'concordantiebeginnel' por bisa cu awor den Reino e castigonan maximo pa loke ta trata 'zedendelicten' ta igual.

Un caso di abuso, ta uno di mas!

Mi kier finalisa e comunicado subrayando cu cualkier tipo di abuso di mucha ta inaceptabel! Cualkier violencia domestico, maltrato y violacion ta uno di mas! Pero mi ta enfatisa cu solamente aumenta e castigo maximo y eliminacion di e verjaringstermijn no ta suficiente. Mester bin cambio den cada aspecto cardinal den henter e sistema di proteccion di esnan mas vulnerabel, cuminsando den e nucleo familiar.

Mas ainda pueblo mester ta consciente cu si di berdad nos kier stop cu tur tipo di abuso y maltrato esaki ta implica: *cambio di mentalidad di nos como sociedad, y na prome luga cu cada un di nos mester carga nos responsabilidad.*

Directora di Gabinete di Aruba a atende “Kennismissie” di OC&W na Aruba y Curaçao



DIRECTORA di Gabinete di Aruba mr. Joselin Croes a participa na e “Kennismissie” di Minister di OC&W Robbert Dijkgraaf na Curaçao y Aruba. Na Aruba e punto central tabata con educacion ta conecta cu e mercado laboral: e situacion actual, pero principalmente con e demanda di enseñansa ta cuadra cu e necesidad di e mercado laboral.

Tambe na Aruba a papia cu expertonan riba loke nan ta yama na Hulandes “lang leven leren” cu ta algo manera enseñansa pa bida largo. Cual tipo di enseñansa por wordo usa pa e metodo aki. Akinan ta mira pa inclui tur sector di enseñansa: mbo, hbo y wo.

E “Kennismissie” a cera na Curaçao cu un conferencia di SEA (Strategic Education Alliance). E plataforma aki di e cuater paisnan di Reino tin como meta pa engrandece e exito di estudio di y oportunidad igual pa studiantenan Caribense. Durante di e conferencia, studiantenan a bin na palabra y a bay entre otro riba e pregunta con enseñansa secundario na e islanan por conecta miho cu enseñansa superior.

E conferencia a conta tambe cu presencia di Prome Minister di Curaçao Gilmar Pisas y Minister di Enseñansa y Deporte di Aruba Endy Croes. Joselin Croes a bisa cu e “Kennismissie” aki a trata strategia y aliansanan entre e islanan pa sigura exito di nos studiantenan, academico y personal y p’esey por bisa di tabata hopi exitoso.

Potretnan cortesía di Arubahuis



Fideos picantes de Chongqing

Receta

TIEMPO PREVIO: 1 hora

HORA DE COCINAR: 2 horas 5 minutos

TIEMPO TOTAL: 3 horas 5 minutos

4 SERVICIO

Ingredientes:

1 onza. Ají picante seco [aceite de chile]
 1 cucharadita Aceite de cocina [aceite de chile]
 2 cucharadas. Pimienta en polvo [aceite de chile]
 1 cucharada. Sésamo blanco [aceite de chile]
 0,5 taza de aceite de cocina caliente [aceite de chile]
 2 tallos de cebolla verde, picada
 8 piezas de jengibre, en rodajas
 1 unidad de pollo
 2.5 libras de panceta de cerdo
 8 oz. Carne molida
 1,5 cucharadas. Aceite de pimienta elaborado por el chef (consulte el vídeo "Aceites exclusivos del chef John")
 2 cucharadas. vino Shaoxing
 1 cucharada. Ajo picado (condimento)
 1 cucharada. Jengibre picado (condimento)
 2 cucharadas. Cebolla verde picada
 1 cucharada. Pasta de frijoles pixianos
 1 cucharada. Pasta de judías
 1 cucharadita Vinagre de Arroz Negro Dulce
 1,5 cucharadas. Aceite de chile elaborado por el chef (consulte el vídeo "Aceites exclusivos del chef John")
 8 oz. Fideos
 0,5 cucharadas. Salsa de soja (Salsa)
 1 cucharada. Mantequilla de maní (Salsa)
 0,5 cucharadas. Maní picado (Salsa)
 1 cucharadita Aceite de chile hecho por el chef (salsa)
 0,5 cucharadas. Raíz de mostaza encurtida, finamente picada (Salsa)
 1 cucharadita Aceite de pimienta hecho por el chef (salsa)
 1 cucharadita Vinagre de Arroz Negro Dulce (Salsa)
 1 cucharada. Cebolla verde picada (Salsa)
 3 cucharadas Ajo picado(0,5 cucharaditas)+jengibre picado(0,5 cucharaditas)+agua(2 cucharadas) (Salsa)
 1 cucharadita Polvo de pimienta de Sichuan (salsa)
 1 cucharadita Sésamo blanco (Salsa)
 1 cucharadita Aceite de sésamo (Salsa)
 1 cucharadita Manteca de cerdo (salsa)
 1 tallo Brote de guisante

Direcciones:

1. Corte los chiles secos en trozos de ½ pulgada. En una sartén caliente a fuego medio, sofríe hasta que esté fragante.



2. Transfiera a un tazón para moler y muele el chile hasta convertirlo en polvo.

3. Luego, en un tazón, combine el chile en polvo, la pimienta de Sichuan molida y el sésamo. Mezcla bien. Calienta una taza de aceite de cocina y vierte el aceite caliente encima. Dejar de lado.

4. En una olla grande, coloque el pollo entero y la panceta de cerdo, la cebolla verde, el jengibre en rodajas y suficiente agua para sumergir el pollo y la panceta de cerdo. Llevar a ebullición, tapar la olla y cocinar a fuego lento durante 2 horas. El stock se agregará más tarde en el paso 8.

5. En un tazón pequeño, combine el ajo picado, el jengibre picado y una cucharada de agua. Mezcle bien y deje reposar.

6. En un wok a fuego alto, dore la carne molida. Luego, agregue el aceite de pimienta, el vino de cocción, el jengibre picado, el ajo picado, la cebolla verde picada, la pasta de frijoles picantes Pixian, la pasta de frijoles, el vinagre negro y el aceite de chile. Saltee para mezclar completamente.

7. En una olla, hierva de 3 a 4 tazas de agua. Agregue los fideos y cocina por 5 minutos hasta que estén suaves. Luego, intenta probar un trozo. Drenar el agua.

8. En un tazón para servir, agregue la mantequilla de maní, la salsa de soja, el maní triturado, el aceite de chile, las raíces de mostaza encurtidas finamente picadas, la cebolla verde picada, el aceite de pimienta, la pimienta en polvo, el aceite de sésamo, la manteca de cerdo, el sésamo blanco, el vinagre negro, el jengibre y la cebolla verde. . Luego, agrega el caldo y mezcla bien.

10. Agregue los fideos cocidos, revuelva para mezclar bien y agregue la carne molida preparada en el paso 6.

11. Cubra algunos brotes y sirva. ¡Disfrutar

Fortaleza pa Famia

E palabra di Dios por libra tur hoben di mal caminda

E berdad a sali na cla, y nos tur ta corda cu nos a adverti mayornan con e uzo di alcohol bao di hubentud tabata durante temporada di Carnaval, con nos ta mira hobennan cu boter di alcohol tur caminda ta bebe. Awor temporada di Carnaval a pasa basta tempo.

Pero e adiccion a keda atras y awor tin hoben ta cana drenta minimarket of supermarket simplemente pa horta un boter di alcohol sin importa cu nan ta wordo graba of no.

Despues di temporada di Carnaval ministerio publico a laga tur hende sa specialmente mayornan cuanto hobennan ta envolvi den delito.

No ta nada di sconde cu pa 70% porciento di presonan den KIA ta bao di cincuenta aña.

Nos hubentud no ta riba e bon caminda, pasobra e canamento cu arma y benta di droga a aumenta, tur hende por nota cu e lotenan di droga cu ta wordo gara door di polis y douane no ta cos chikito, y esnan envolvi localmente ta hende jong.

Esaki ta hiba nos na e contesta, cu nos mester acerca e trono di e Haltisimo pa yuda, nos mester di ayudo di Dios pa prevencion, pasobra caya ta yena cu adicto tur caminda, no solamente den stad pero tur barío tin uzo di droga, benta di droga, y naturalmente e adictonan di barío.

E plan di e malvado (diabel) ta pa destrui nos hubentud (Juan 10:10) p'asina nan no tin futuro, y no logra bira e homber of muhe integro cu Dios ta yama nan pa nan ta.

Tur caminda anochi despues di 7:30pm ta manera un otro poblacion ta lanta for di soño, di hobennan buscando droga y alcohol riba caya y negociando den maldad, y tur hende sa esey.

P'esey nos mester cuminsa duna tur hoben riba caya, na cas, den scol, tur caminda e palabra di Dios, pasobra solamente e palabra di Dios por libra nan di mal caminda. Pasobra di berdad nos ta biba den tempo trabahoso, y ta rond mundo, hacidonan di maldad ta buscando hoben pa recluta of destrui.



A yega ora pa tur mayornan lanta for di soño y stop di kere den placa y cosnan material, pasobra diabel nos ta respeta placa ni material, tampoco propiedad e unico cos cu diabel ta respeta ta: E nomber di Cristo Hesus, pasobra ta den e nomber ey e ta wordo derota.

Nos hubentud mester wordo guia den caminda di Dios, pasobra tin hopi caminda ta parece bon pero nan final ta morto. E caminda di Dios ta un caminda di pas, puresa y santidad pa nos hubentud.

Nos ta rondona cu productornan di maldad cu no ta importa yiu di ken nan destrui.

E palabra di Dios ta bisa lo siguiente na tur hoben:

No laga ningun hende menosprecia bo hubentud, ma mas bien den palabra, conducta, amor, fe y puresa, demostra bo mes di ta un ehempel p'esnan cu ta kere (1 Timoteo 4:12).

Y Jabes tabata mas honorabel cu su ruman hombernan, y su mama a yam'e Jabes bisando ta cu dolor mi a haye. Awor Jabes a enfoca e Dios di Israel, bisando: O cu Abo lo a bendiciona mi di berdad y haci mi teritorio mas grandi, y cu Bo man lo ta cu mi, y cu Abo lo warda mi di malo, pa pena no toca mi. Y Dios a dun'e loke cu e a pidi (1 Cronicanan 4:9-10).

Ningun hoben tin mester di drenta mal caminda, laga nos tur como mayornan busca Dios y siña nan e palabra di Dios.

Sinceramente, Pastor Marcel Balootje

*Mi no a muri.
Ta pesey mi no a bisa ayo.
Mi a dijes habri mi halanan y bula bai keiro.
Boso a keda atras.
No laga tristesa domina boso. Keda uni un cu otro pa mi alma,
esey lo ta un alegria.
Recorda mi cu hopi amor.*



29 Augustus 1928 - 15 April 2024

Den number di su yui nan

+ Tecla Maria Arendsz Oduber y Famia
Jenny & Luisa Oduber Leon y Famia
Trina & Roy Geerman Oduber y Famia
+ Roy Oduber y Famia
Johnny Oduber
Mayra Oduber y Famia

Ta Anuncia fayecemento di

*Nos Mama, Ruman, Wela, Bisawela
Bisiña y Amiga*

Mathilda Elvira Oduber Kransen

*Ta invita tur Famia, conocirnan, comper y comer
Amigo nan di cas y bisinja*

Acto di condolecia
19 April 2024 19:00-21:00
Olive Tree Piedra Plat

Acto di entiero
20 April 2024 9:00-11:00
Misa Imculada Concepcion
Santa Cruz



"Ousente di e curpa y na cas serca senior"
2 corintionan 5:8

Cu dolor den nos curason nos ta anuncia
fayecimento di :

David Oswald Gomes

*19 Oktober 1950 - †10 April 2024

Na number di su:

Mayornan d.f.m :

†John y †Esther Gomes

Rumannan:

Elizabeth Gomes

Anita Gomes

Johnny Gomes

Michael Gomes

Primo y primanan:

Fung-a-fat, de Nobrega y Spellen

Sobrino y sabrinanan:

Gomes

Su amistadnan di entercesonan di iglesia Seed
of Life na San Nicolaas

Su bon amiga nan di años:

Myrna Vrolijk Illidge Miladis Quandt Maritza Silier

Acto di entiero lo tuma lugar **diabierna 19 di april 2024** na Pray Funeral Home di 2:00 pa 4:00 pm,
despues lo sali pa Santana central na Sabana Basora.



Plachi pa graaf



Porcelana, granite of marble

- ✓ No ta cobra extra pa letter
- ✓ Servicio Rapido
- ✓ Instalacion
- ✓ Material di Calidad
- ✓ Design

☎ **6990495**



www.laycro.com



'Dios ta amor... y amor ta Dios,
maske mi no ta na mundo aki,
tur dia lo mi ta banda di boso Curazon'.

"Mi por stens di loke Dios ta haci"
Salmo 33

Cu dolor na nos curason, nos ta participa
fayecimento di nos ser stima:

Filomena Maria
Arends- Semeleer

Cariñosamente yama "Mena", "Mama Mena"
*05-10-1946 - †14-04-2024

Na number di:
Su mayoran den feliz memoria:
Prudencio Semeleer y Maria Antonia Semeleer-Croes

Su kerido esposo:
Pedro Arends

Su yiunan stima:
Gilbert Arends & Milka Vrolijk
Patrick Arends & Zuly Luidens

Su nietanan stima:
Zurainy Arends
Aixa Arends

Su bisanieto stima:
Khylian Suarez Chirinos

Su rumannan:
Dalmacio (Maiky) & Martha Semeleer-Alzate
†Catharina Isabella Semeleer
†Gilberto Semeleer

Su sobrinonan:
Roy Alexander Semeleer
Jaime Semeleer

Su swa y cuñanan:
Sra. Vda. Clarita Simileer-Arends y yiunan
†Sr. Juan Arends y yiunan
†Sra. Maria Kelly-Arends y yiunan
Sra. Theresita Arends y yiunan
Sr. Vicente Arends y yiunan
†Sra. Annie Blanco-Arends y yiunan

Su iha stima:
Dolorosa (Doke) Kelly-Ridderstaat y famia

Su ayudantenan y bon amiga:
Zr. Ita Ridderstaat y Theresita Arends

Su bon amiga di cas Sra. Margaritha Semeleer, demas
amistadnan di Grupo Kawara y tur Su bon bisiñanan.

Tur Su prima y primonan, comer y compernan, ex-
coleganan di San Pedro Hospitaal y dr. Horacio
Oduber Hospitaal.

Demas famianan:
Semeleer, Arends, Croes, Tromp, Vrolijk, Luidens,
Alzate, Blanco, Kelly, Ridderstaat, Figaroa, Flanegin,
Franken, Simileer, Faro, Winterdaal.

Nos ta pidi nos mas sincero disculpa si den nos tristeza
nos por a lubida number di algun famia, amigo of
conocer.

Acto di despedida lo tuma luga **diahuebs 18 di
April 2024** di 2'or pa 4' or di atardi na Aurora Funeral
Home. Despues di respons lo sali pa santana Catolico
na Noord.

Alavez ta pidi pa bin bisti na color alegre, door cu nos
defunto stima semper tabata un persona alegre.

Nos ta participa cu lamentablemente despues di
entiero di nos defunto stima nos no ta tuma bishita di
condolencia na cas.



"Señor ta mi wardador, mi no tin falta di nada.
Den cunucu di yerba berde e ta pone mi sosega.
E ta hiba mi na awa frankil, pa mi bolbe haña forsa."
Salmo 23: 1,2,3

Cu hopi dolor na nos curazon pero conforme cu Dios su
boluntad nos ta participa cu a fayece na Ocala Florida
nos esposa, mama, wela, ruman, cuña, tanta, sobrina,
prima y amiga stima

Ivy Marcia
Tang Yuk-Comenencia

*05-06-1963 – †01-03-2024

Tata: †Alejandro "Indio" Comenencia
Mama: †Adela Comenencia-Gomez

Esposo: Ryan Tang Yuk
Yiu: Ryan Gentle Tang Yuk y Paula Thrasher
Nieto stima: Ryan Ivan Tang Yuk

Yiunan di criansa: Sooling Tang Yuk
Rumico Tang Yuk

Nieta di criansa: Cabria de Chabert

Rumannan: †Gabriel "Peppy" y Alexandrina Comenencia-Blanco
Fanny y Legenhousen "Larry" Nyack-Comenencia
Judith y Frank Richardson-Comenencia
Beatriz "Beata" y Luis "Gino" de Cuba-Comenencia
Edwin "Papito" y Elvia Comenencia-Rodriguez
Aléjandro "Niño" y Glenda Comenencia-Albertsz
Maria "Mary" y Tirso Tromp-Comenencia
Manera ruman: Roy y Elaine Quandus-Geerman

Sobрино(a)nan: Sheldon y Marlin Nyack-Figaroa y famia
Ghislaine y Harold Grant-Comenencia y famia
Arthur y Gennilee Comenencia-Ras y famia
Franklin y Elsa Richardson-Rincones y famia
Aldrin y Maaike Comenencia-Los y famia
Javier "Derrick" Comenencia
Julienne y Joberf Reyes-Comenencia y famia
Rujina Comenencia y yiu
Lugina y Ervany Machado-de Cuba y famia
Gabriela Tromp y Andrew Croes

Omonan: Joaquin "Quincho" Comenencia y famia (Colombia)
Carlos "Calulo" Comenencia y famia

Tanta: Teresa Kock-Comenencia y famia

Suanan: †Kenrick Noel y famia
Mervin Tang Yuk y famia
Oswald Tang Yuk y famia
Vincent Tang Yuk y famia

Cuñanan: †Monica Beharry y famia
Linda Jerome y famia
Barbara Beharry y famia
†Jackie Tang Yuk
Patricia Tang Yuk

Primo(a)nan na: Aruba, Corsow, Colombia y Hulanda

Primanan stima: Jetzy de Koning-Bruges
Ederlinda Kock
Sonia Quandt-Gomez

Tur su amiga- y amigonan y amistadnan stima na Aruba y su
barrio Dakota, Ocala, St. Croix, Corsow y Hulanda

Demas famianan:Comenencia, Tang Yuk, Thrasher, Noel,
Beharry, Jerome, Blanco, Nyack, Richardson, de Cuba, Rodriguez,
Albertsz, Tromp, Kock, Violenus, Figaroa, Grant, Reyes, Ras,
Rincones, Los, Machado, Croes, Neuman, de Koning, Quandt,
Bitorina, Irwin, Ramharak, Beke, King, Jeroe, de la Cruz, Lisper,
Hodge, Castillo, Castillejo, Ras, Quandus, Porino, Franken,
Geerman, Herts, Dania, Tromp, Nuboer, Sneek, Steenen, Rafael,
Lake, Becker, Martis, Pablo, Schwengle.

Na corsow: Marlene Comenencia y rumannan y famia
Randy de Lannoy y famia
Famia Jacobus
Famia Curiel

Na Colombia: Comenencia, Gomez, Elias, Bruges, Scott,
Alzamora, Granados, Freyle Villar

Acto di condolencia y ceremonia di despedida lo tuma lugar na
Parokia Birgen di Fatima na Dakota, **diasabra 20 di April 2024** di
9:30 pa 11:30 di mainta.

Despues ta sigui pa su ultimo lugar di sosiego na Santana Central
Sabana Basora.
Despues di entiero nos no por ricibi bishita di condolencia na
cas, nos ta pidi comprension pa esey.

Si acaso den nos tristesa nos por a lubida algun famia, nos ta
pidi nos mas sincero disculpa. Enbes di flor of krans lo tin un box
disponibel pa donacion pa Parokia Birgen di Fatima Dakota.



Laga tur loke ta sperami ta bunita,
laga tur locual mi encontra ta bunita,
Laga tur locual keda atras ta bunita y
laga esakinan termina den tur bunitesa.
Autor: Cado Wever

Cu hopi tristeza pero conforme cu boluntad di
Dios, nos ta participa fayecimento di:

Joseph Daniel Harms

Mihor conoci como "Nel"
*13-10-1940 - †16-04-2024

Na number di su:
Yiunan na Hulanda:
Nelsito, Claudia y yiunan
†Mirlando, Sandra y yiunan
Noraima, Mark y yiunan

Ruman:
Roland "Joy" y Eulogia "Betty" Harms-Jansen

Sua:
Viudo Luis Horacio Oduber


Sobрино- y sobrinanan, primo- y primanan

Amigo/Ruman/Caretaker: Albert "Jottie" de Cuba

Demas famia-, amigo- y conocirnan na Aruba,
Corsow y Hulanda.

Acto di entiero lo tuma lugar **diabierna 19 di april
2024** di 9'or pa 11'or di mainta na Aurora Funeral
Home y despues saliendo pa Santana Central na
Sabana Basora.

Nos ta lamenta di no por ricibi bishita di
condolencia na cas.



Lo E seca tur lagrima for di nan wowo y morto lo
no existi mas. Lo no tin nada di rouw, nada di
yoramento, nada di dolo mas, pasobra tur cos di
antes a pasa bai.
Rev. 21:4

A bay sosega den brasa di Señor nos ser stima:

Candido
Jacobo Angela

Cariñosamente yama "Coby of Cobito"
*11-10-1940 - †13-04-2024

Drumi dushi den brasa di Señor

Acto di entiero lo wordo anuncia despues

Always pray.
Never lose
hope.

Romans 1:16



AWEMainta

Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



info@awemainta.com
noticia@awemainta.com
aviso@awemainta.com